

Kinóló mole ala hakearaleti

1 ¹I dere fota, Kótóné Yesu Kerisopaae mo felekemó yaai dere alapa, naao kutó diratere so whiné tué yópóló, kinóló moleti hakearóló yó melae, yóló malepó. Ai fo Yesuné wosóló, ama kutó deratere whi Jon beterepaae *ensel* dotonalepó. ²Atétepa, Jon-né ama kelale ala so whi feané tué yópóló, amamo aseyaepó. Ai fota me kae mei, Kótóné dere foró Yesu Kerisoné ama yale alatamo etérapóló yó male fopó. ³Take i ala yaalopóló i asere fo hakeamó dosąatu betere whi Kótóné wisiró beterepa, hajné sukutu beterepóló yae. Ai dosąatere fo wosóló, hosaa tuamó mulatere so whikélé, wisiró beterepóló hajné sukutu betenépó. Ti ai yó male alarape dokonóló yaaire be de mo felekemó sókó waai dapó.

Talené doi hale horatere foró kőleó dere fotamo

⁴Ēta, Jon-né Esia hae kwiamó betó mole weikeró Keriso fake so whipaae dapó.

Miókélé betóo, takekélé bitiré wóo, nalo waaire alimókélé hāle betóo, yaaire sekéró kale teteróló kaae tare doasi betere tiki felekemó betere weikeró keperapetamo tuamó kaaróló wale hamokoróló hāle tao sere alaró, hosaa muni deyóló dua betere alatamo diapaae erópóló yae. ⁵Ti Yesu Kerisoné yó matere fota, ama mo kelale alatóró du beterepó. Ti āta, mo sukāletei kepaayóló betaaire so whimó, tu aleróló folosóró fóló betere whipó. Atéturaalu, i haemó betó mole topo whirapekélé mo fea amatóró teteróló kaae tarapó.

Ai sekéné amatóró diapaae yaala sókó furaalu, da dowi ala tuamó betepa, ama sameanéte teraayóló hāle fópóló eró beterepó. ⁶Téro da ama teteróló kaae tare aomó sóró beteróló, Alima Kótóné ama ala erópóló, so whimó momaratere whi sóró beterepó. Tereiné, ai seké ama mo kae ere ala wisiró doasi fotokotamo mo hāle muó tanópóló yae! Mo kée, téyópóló yae!

⁷I dere fo wosae! A ó hepen bemó ere saktamo wapa, so whi mo feanékéle, take a duraalu wutiné deyale whirapenekélé, kelaalo ai ape.

Atéteremó, i hae kwia feamó betóló fale so whinė doasi wole u yaalopó.

Ti ai alata, motóro yaalo ai ape. Mo kée, téyópóló yae!

⁸Téro Tale Kótóné duraalu,

“Ēta, *Alaparó Omekatamopó*. Ai fo feteyóló, kaae sereteiró kemeratereteitamota, ti mo ętórótípó. Take bitiré waleteikélé, mió betereteikélé, take nalo betaaireteikélé, ętóró bitu, fea ęla ęla ęteróló kaae tare seké ętórótípó,” yalepó.

Whinė Naalema aępa kelale fo

⁹Ēta, diaaę no Jon-né dapó. Da fea Yesu tuamó bitu, sekę sere alakélé, ama ęteróló kaae tare aęmó betere alakélé, hņni haęe belée tare alakélé, da fea betamó deté fu betere whípó. Yesuné yale ala i ape yóló yó melóo, Kótóné fo eróo, yalemó atimané ę weinė bopéro daaló betere hae Patmosmó beteralepó. ¹⁰Atéro betepa, Talené be deęmó Deį kepe wisiné fotokę tuamó bitu, yało kılıpaae doasi fo fake ukulumó wutiné hale kaae depa wosalepó. ¹¹Atéro dere foné duraalu, “Naa keletere ala fea bopeyóló mole sókumó aseęyóló, weķikeró Keriso fake so whıpaae falae. Ai berape i ape. Efesus, Smerna, Perkamum, Taiyatira, Sardis, Piladelpia, Laodisia, i dosayale be huluamó betó mole Keriso so whı feapaae aseęyóló falae,” yalepó.

¹²Ai fo du betepa, né déro sisópaae fetée fóló kelalemó, *kold kapané* aleale weķikeró sa dirirape kelalepó. ¹³Atépa, ai sa dirirape duku betere tuę dolomó whı betę Whinė Naalema kaae daapa kelalepó. Atéru, deróló sókó fatere fıloi kuti deróló, *kold kapané* aleale toné ai kuti ęteróló bopémó sepa kelalepó. ¹⁴Ama toporó nikitamota, mo yako kaae deę wisinaale yóo, ama kelekélé si mi kaae holóo, depa kelalepó. ¹⁵Ama hóta, ti *brons kapa* siné dóló whaare kaae yóo, ama dere fokélé, weı dou kęaturaalu dere hu kaae depa wosalepó. ¹⁶Ama turu naasené weķikeró hęrerape tawóo, ama kólómó bóe dele sepake fosó tamo daai sókó wóo, ama kelepaakélé, sukané deę kaae yóo, epa kelalepó.

¹⁷Yało a kilituraalu, ę ama hó aęmó sukęle whı kaae deraapisa fóló molepó. Atéro mupa, ama turu naasené ę wolaa yóló duraalu, “Ya wiyaęse. Kaae sereteikélé, kemetereteikélé, mo ętórótípó. ¹⁸Ēta, mo ti betere seképó. Ē take sukęletei, momó kepaayóló mo titóro betó tarapó. Téruraalu, sukutere alaró sukęle so whıtamo betere tu *ki* yało i tare ape.

¹⁹Térapa, naao kelale alakélé, mió i alimó keletere alakélé, nalo betaaire alimó yaaire alakélé aseęyae. ²⁰Yało turu naasemó mupa, naao kelale weķikeró hęreraperó *kold kapané* aleale weķikeró sa dirirapetamo kelale bete i ape. Kale hęrerapeta, ti u weķikeró be huluarapemó betó mole Keriso so whı tao sópóló, dotonale weķikeró *ensel*-rapepó. Kale weķikeró sa dirirapeta, ti weķikeró be huluamó betó mole Keriso so whípó,” yalepó.

Efesus Keriso so whīpaae aseýóló farale fo

2 ¹“Efesus be huluamó betó mole Keriso so whī tao sǒpóló dotęyale *ensel*-paae i fo aseýóló falae.

Turu naasené kale węikeró hęrerape taruraalu, *kold kapané* aleale węikeró sǎ dirirape daae mole tuǎmó kutu betere sekęné dere fo i ape. ²Diǎ hǒkélé ini, mepaae du betere alarape yało tuęnipóló de? Diǎ hǒkélé ini, depe tukó wei ala hałe yó tare alakélé, kale dowi ala yó tareteikélé, whīrape diǎtamo betǎmó betaqsóró hǒkó fatu betere alakélé, yało tuęrapó. Mepaae whīrapené duraalu, ‘Dǎta, Talené dotonatepa wale *apospel* whīrapepó,’ dere fomó, diǎné atima kǎae kolóló duraalu, ‘Diǎta kapala fo bole whīrapepó dere alakélé kolóló, yało mo tuęrapó.’ ³Diǎ yało so whī betepa, mepaae sekęi ala ó faletere alarape wou betepatei diǎ hǒyóló dekani, yało doimó hałe yó tarapó. ⁴Tépatei, yało keletepa wisinire ala betǎ i ape. Take kaae suraalu diaaę yaala sókó fu betale ala mió taaló beterapó. ⁵Térapa, take diaaę yaala sókó fu betale ala taaróló, mió diǎ haepaae ai derepalapa kisipa muae. Atétu, diaaę kisipa tiki feteyóló take du betale ala momó yae. Diǎ ai alatamo initepa, ti ę diǎ beterepaae wóló diǎné dęrótu betere sǎ yało tokǒ saalopó. ⁶Téretei, diaaę du betere alamó yało i yaaitere fo betǎ mo wisirapó. Nikolas whīrapené hǒtu betere kaae diaaękélé atétu beterapó. ⁷Mepaae whī me de wosęli daapa, ti Dęi Kepe Wisiné kae kae Keriso so whīpaae du betere fo feané wosǒpóló yae. Whī me de tu wisipaae faai fupa, me sekęi alané sesé depakélé hepée taae faróló wale whīta, Kótó betere kelaalo mo kokęi tikimó daale kepaayóló mo ti betaaire ni du wisi nǒpóló yało melaalopó,” yalepó.

Smerna Keriso so whīpaae aseýóló farale fo

⁸“Smerna be huluamó betó mole Keriso so whī tao sǒpóló dotonale *ensel*-paae i fo aseýóló falae.

I dere fota, kaae sereteiró kemerǎle foleteitamóné bete Tale ǎ mo ti sukǎletei, momó kepaayóló betere sekęné dapó. ⁹Diǎpaae kae kae sekęi alarape wou bituraalu, yoleale yóló betere ala yało tuęretei, doasi dirii ęla wisinaale betǎ diǎné sóró tareteiné, diǎ doasi néli whī kaae ai betere ape. Mepaae so whī atima Juda fakepó du betereitei kapala fo dapó. Ti atimata, Satan-né fo wosetere fake bituraalu, diǎ erótu betere fo yało kisiparapó. ¹⁰Diǎpaae sekęi ala waairemó wiyaęse yóló, ma fo i dapa wosae. Diǎ betere ala kǎae kelaairaaalu, Satan-né diǎ mepaae so whī *dipula* beteraalo ai ape. Atéro *dipula* betero betepa, sekęi ala siré fu bituraalu, naase tamo be dęrape kemeyaalopó. Diǎ dupakélé me ęla meipóló, tuę tiki tiraté

fu betepa, ti atétere wh̄irapemó bóené wh̄i dolóló kemeratere wh̄iné deratere topo tao su dere kaae, yālo mo ti betere bete melaalo ai ape. ¹¹Mepaae wh̄i de wos̄eli daapata, kale D̄ei Kepe Wisiné Keriso fakerapepaae i dere fo wos̄ópóló yae. Wh̄i me de t̄u wisipaae faai f̄elalemó sesétepakélé, hepée taae faróló wapata, ti atétere wh̄i ą tamoróló sukutere alané doraalo meipó.”

Pergamum Keriso so wh̄ipaae aseýóló farale fo

¹²“Perkamum be huluamó betó mole Keriso so wh̄i tao s̄ópóló dotonale *ensel*-paae i fo aseýóló falae.

Fosó tamo daale bóe dele sepake tare sek̄éné dere fo i ape. ¹³Diąta, Satan-né ama t̄eteróló kaae tare tikimó betereitei yālo kisiparapó. Dią atéro bitutei, yālo doimó du betere ala taaréni, hāle yó tarapó. Take yālo ala erótu betale wh̄i Antipas dale alimó, diąné ępaae tuę tiki tiratere ala taaréni, hāle yó tawaleteti yālo tuęrapó. Ti diąta, Satan betere be huluamó ai betere ape. ¹⁴Tépatei, diaaę dere mepaae ala yālo keletómó wisiniretei i ape. Dią betó mole kua dolomó, mepaae so wh̄i Balam-né h̄oko yó mótu betale ala kaae du beterapó. Balam-né Balak-paae Israel fake so wh̄i dowi ala ȳópóló, etéro yae yóló yó melalepó. Balak-né Israel fake so wh̄i kapala kótópaae moma yóló matere ęlaró nópu nokole alatamo ȳópóló, ąlisóró fipakalepó. ¹⁵Atétu betere kaae, dią mepaae wh̄irapekélé Nikolas wh̄irapené yó matere ala sya fu beterapó. ¹⁶Térapa, diaaę ai du betere ala taaróló, kiswa tiki feteyóló betae. Diątamo ai ala initepa, ti ę dią beterepaae hapale sókó wóló, dią ai ala du betere wh̄irapetamo yālo k̄ólómó sókó wale sepakené bóe daalopó. ¹⁷Mepaae wh̄i de wos̄eli daapata, kale D̄ei Kepe Wisiné Keriso fakerapepaae du betere fo wos̄ópóló yae. Wh̄i me de t̄u wisipaae faai fenalemó sesétepakélé, hepée taae faróló wapa, ti atétere wh̄imó yālo hyó muló betere mepaae *mana* o nópóló melaalopó. Téturaalu, kisi doi aseýóló muló betere d̄ei kane fakekélé melaalopó. Ai kane fakemó as̄ere doita, hāle mo wh̄iné tuę yaalo meitei, ai kane fake sere wh̄iné maaté tuę yaalopó.”

Taiyatira Keriso so wh̄ipaae aseýóló farale fo

¹⁸“Taiyatira be huluamó betó mole Keriso so wh̄i tao s̄ópóló, dotonale *ensel*-paae i fo aseýóló falae.

I dere fota, Kótó Naalema ama kele mo si kaae dó taru, h̄olekekélé kale *brons kapa* siné dóló kasa kasa kaae ere sek̄éné dapó. ¹⁹Diaaę yaala sókó fole alakélé, diaaę tuę tiki tiratere alakélé, yālo doimó mo so wh̄i tao sóró erótu betere alakélé, sek̄e wapatei beléetóro tare alakélé, diaaę mió du betere alané take kaae suraalu yale ala bosene faletei, fea yālo tuęrapó. ²⁰Tépatei, kale so Jesepel ą f̄ópóló

mo taketitei hōkō farēniyólópó. Ai soné amatei ā Kótóné fo eratere kōlól sopó du betērapó. Téturaalu, ama yó matere fonétei, yālo kutó diratere wh̄irape nōpu nokole ala yóo, kapala kótópaae momatere ɣla nōpóló ālisóró fōo, du betērapó. ²¹Ai soné nōpu nuku betere ala taaróló, kisipa feteyóló wōpóló kaae taté fu betepatei, wéni mo dowāae fu betērapó. ²²Até du betēreteiné, ā dele sóró fitere tikimótóró fiyó mulōpóló, taae deraalopó. Téturaalu, ātamo nōpu nuku betere wh̄irapekélé kale soné atimapaee yó melale dowi ala taaróló, tuē tiki feteyóló anitepa, ti atimakélé kale so dere kaae, dele sōpóló taae deraalopó. ²³Ai soné ama naale senaalekélé sinōpóló, yālo mo ti daalopó. Ai ala depa, Keriso fake so wh̄i feané kilitu, ēta, so wh̄iné hosaa tuāmó mole alaró tuē tikitamo taleyóló, atimané yale alamó mo donotóró tokō matere Tale betērapóló kisipa yaalo ai ape. ²⁴Diā mepaae Taiyatira be huluamó betó mole Keriso so wh̄i kale soné yó matere fo wosóló sya feni yóo, Satan-né mo apaae derepale kinóló mole ala kisipa sini yóo, ere so wh̄ipaae yālo sekei ala kae eraalo meipó. ²⁵Téyaalomeipa, ē wale alimó sókó faasepóló, diaaɣ ai du betere wisi alatóró hāle yó taté fo betae.

²⁶Wh̄i me de tū wisipaae faai fenalemó, me sekei alané sesé depakélé, hepée taae faróló, kemene fole kwiamó sókó fupa, ti atétere wh̄i i hae kwiamó betó mole so wh̄i fea tēteróló kaae tanōpóló, yālo sóró beteraalopó.

²⁷Ašēmó ere fo i ape.

‘Topo wh̄iné tatere *aiyon kapa*-né aleale dotótiki taru, haené aleale wuti derāketu dere kaae, yālo bōe wh̄irape ai ala yaalopó,’ erapó.

Yālo Ayané ē so wh̄i tēteróló kaae tanōpóló sóró betērotu yale kaae, yālokélé diā sóró beteraalo ai ape. ²⁸Atéró sóró betēratere so wh̄ipaae h̄ika be dēteretamo dēyó tare hōrekélé, yālo melaalopó.

²⁹Mepaae so wh̄i me wosēli daapata, kale Dēi Kepe Wisiné Keriso fakerapepaae i du betere fo wosóló tuē muōpóló yae,” yalepó.

Sardis Keriso so wh̄ipaae ašeyóló farale fo

3 ¹“Sardis be huluamó betó mole Keriso so wh̄i tao sōpóló dotēyale *ensel*-paae i fo ašeyóló falae.

Kótóné wēikeró kepe tawóo, wēikeró hōrerape tawóo, ere wh̄iné dere fo i ape. Diāné du betere ala yālo kolóló kisiparapó. Mepaae so wh̄iné diā kilituraalu, i Keriso faketa, Kótóné ala eraai noke fini, mo doa ketekē bulapóló dukiróturaalu, diaaɣ doi só kutu betērepó. Tēretei diā yālo keletēpa sukāle wh̄i aɣrapó. ²Diā fire wh̄irape-ó, turukó horóló betae! Diaaɣ du betale wisi ala fea sisiraae fóló betā betā betēretei felekemó sukāi dapa, fotokū buóló daayae. Ti noatēpae, ē tēteróló kaae tare Kótóné keletómó diaaɣ erótu

betere ala mo turó kemeróló, ama muló betere dālemó sókó fenipó. ³Térapa, diāné take wosóló tuęre fo kisipa muae. Ai fo aqmó sukóló bitu, kisipa feteyóló ai fo sya fóló erótu betae. Ẽ waaire be de diā kisipani, mokōleyaa yóló betó mupa, ę qlémi nokole whi kaae, sókó waalo ai ape.

⁴Téyaalotei, diā Sardis bemó betere whirape kuamó betā betā so whiné deró betere kuti mo wisiyóló kaae tare tikimó, bólukélé inipó. Ai whi rapeta, de i kuti deróló ętamo kwęyaalopó. Ti noatepae, atima dere ala wisireteiné ai ala yaaire mo srapópó. ⁵Whi me de tu wisipaae faai fenalemó, sesé depakélé hepée taae faróló wale whi ta, ti u kale so whiné deró betere de i kuti kaaetóro deraalo ai ape. Ai whiné ama doita, mo titóro betó tare *buk*-mó moletei yało helekókelé yaalo meipó. Tēni, yało Ayaró ama *ensel*-rapetamoné keletómó daalu, ita yało whipóló, yó melaalopó. ⁶Mepaae whi de wosęli daapa, ti kale De i Kepe Wisiné Keriso fakerapepaae du betere fo wosóló tuę muópóló yae,” yalepó.

Filadelpia Keriso so whi paae aseýóló farale fo

⁷“Filadelpia be huluamó betó mole Keriso so whi tao sópóló dotęyale *ensel*-paae i fo aseýóló falae.

I dere fota mo fo bete Tale dowi ala betākelé muni, kae betere sekéne dapó. Take betale whi Depit-né *ki* mió yało i tare ape. Yało kinatere tu me whiné tukiyóo, yało tukwę mulatere tu mené kinóo, enénipó. ⁸Diaaę du betere ala yało kisiparapó. Diā faaire tu yało ai tukwę muló beterapa kelae. Ai tu ta, whi mené kinatere alakélé mo enénipó. Diā fotokę sawa bulutei, yało fo hałe eró tarapó. Téru, mepaae so whiné yało doi yóló, diā Talené so whié yóló wosetepa, diāné meipó initeretei yało mo kisiparapó. ⁹Mepaae whi atimata, Juda fakepó du betepatei, Juda fake mei, kapala fo du beterapó. Ai so whi ta, dowi Satan-né fo wosetere fake ai ape. Atima diā beterepaae wóló, diaaę hó aqmó deraapisa fóló fió muluraalu, i so whi ta Yesuné yaala sókó fole ala mulapó yópóló, dere ala yało eraalopó. ¹⁰Yało diāpaae seke i ala wapakélé hałe eró tawae yale fo diaaę wosóló eró tawalepó. Téyaleteiné i haemó betó mole so whi fea su sóro kęae keletere sekę wale sukamó, diāpaae waqsóro yało sesé yaalopó.

¹¹Ẽ mo felekemó walapó. Bóe dóló tęteratere whiné sere topo tao diaaę saairetei, mené saqsóro diāné tęteróló kaae tanópóló male ęla wisi mo hotowayóló kae tawae. ¹²Whi me de tu wisipaae faai fenalemó, sesé depakélé hepée taae faróló wapa, ti atétere whi ę tęteróló kaae tare Kótóné momatere be hulua eleké su deyaalopó. Atétere sekę ę ai be taaróló fókélé mo yaalomeipó. Ai whiné tikimó ę tęteróló kaae

tare Kótóné doiró ama be hulua doitamo aṣṣyaalopó. Ti ai be hulua doita, kisi Jerusalem-pó. Ai be huluata, ɛ tɛtɛróló kaae tare Kótó betere hepen be taaróló, dorowaalo ai ape. Ai wh̄iné tikimó yaḷo kisi doikélé aṣṣyaalopó. ¹³Mepaae wh̄i de wos̄li daapa, ti kale Dɛi Kepe Wisiné Keriso fakerapepaae i dere fo wosóló tuɛ muópóló yae,” yalepó.

Laodisia Keriso so wh̄ipaae aṣṣyóló farale fo

¹⁴“Laodisia be huluamó betó mole Keriso so wh̄i tao s̄póló dotonale *ensel*-paae i fo aṣṣyóló falae.

I dere fota, Mo kée, t́yópóló yae! dere bete Tale bitu, mo ala yó taruraalu, ama kelale ala i ape yóló haḱearóló yó mótu beterapó. Aṭa, Kótóné aleyóló muló betere ɔla ɔla fea tɛtɛróló kaae tare sek̄né dapa wosae. ¹⁵Diāné du betere alata yaḷo tuɛretei, sirii ala ó supui ala meiyóló, haḷe tuamó beterapó. Ai tamo ala me taaróló bet̄a alatoró uas̄oró ti mo wisi wuapó. ¹⁶Ti diāta, supukélé meiyóo, sirikélé meiyóo, yóló h̄i fale ɔla kaae epa kilitu, yaḷo k̄lómó hamuóló soraae falatere ɔla kaae soraae faraalo ai ape. ¹⁷Diāné duraalu, ‘D̄aṭa, wisi wisi ɔla mole néli wh̄i betereiteiné mo bet̄a ɔlakélé yaṣ̄anipó,’ dua dapó. Téretei, Tale Kótóné diā keletapa, mo sonaalei so wh̄i betepa kilitu, k̄lerapó du beterapó. Diāta, yolealere alakélé, keke dilikire alakélé tiki daapi haḷe betere alakélé, epatei, diaaḱ kisipané wisire nisi dapó. ¹⁸Yaḷo i dere ma fo wisi wosóló, i sore ɔla diāné ɛtamo dupu yae. Siné biliyaetikimó wisiyóló sókó wale *kold kapa* supa, ti diā mo doasi néli wh̄i betaalo ai ape. Diā tiki haḷeretei, kinóló d̄ei kuti sóró bukae. Diaaḱ keke dilikiretei wisiyópóló, yaḷo i tare *mula mula* sóró dilae.

¹⁹Yaḷo yaala sókó fale so wh̄i atima kae kae dowi ala depa kilitu, t̄u wisipaae f̄ópóló donoróturaalu, yaḷo atima foné sóró dekésu beterapó. Térapa, yaḷo diāpaae dowi ala taalae du betere fo mopóló, tuɛ tiki feteyóló Tale Kótóné alamó ketek̄ buóló betae. ²⁰ɛṭa, t̄u sókó walemó daalu, t̄u du beterapó. Wh̄i me denétamo yaḷo dere fo wosóló t̄u tukutepa, ti ɛ aḱ betere tuapaae wóló, aṭamo ɔla betamó nóo, aḱkélé ɛtamo ɔla betamó nóo, yaalo ai ape.

²¹ɛ t̄u wisipaae folemó sek̄i alané sesé depatei, hepée taae faróló, yaḷo Ayané tɛtɛróló kaae tare tikimó aṭamó betamó betalepó. Atére kaae, diākélé t̄u wisipaae fole ala kilitu sesé depatei, hepée taae faróló wapa, ti yaḷo tɛtɛróló kae tare tikimó ɛtamo betamó sóró beteraalopó. ²²Mepaae wh̄i de wos̄li daapa, ti kale Dɛi Kepe Wisiné Keriso fakerapepaae i dere fo feané wosóló tuɛ muópóló yae,” yalepó.

Hepen-mó tɛtɛróló kaae tare tiki

4 ¹Ai alarape yóló kemetepa kelalemó, hepen be t̄u tukw̄é fóló molepó. Atéru, folosóro ukulumó wuti hale kaae yóló fo yale wh̄inétóro ɛpaae

duraalu “Ya ipaae holae yalepó. Ya hotopa, ti i alarape yóló kemene fupa, nalo yaaire ala yało yappaae yó melaalopó,” yalepó. ²Tétepa, mo ai fapotóro Dęi Kepe Wisiné ę fotokorátepa kelalemó, hepen bemó ę daalepaae anóló, tęteróló kaae tare topo whı betere *sea* tómó doasi beterepó. ³Ai *seamó* betere doasi kolóló, *jasparó kanilian* kanetamoné kasa kasa kaae ere doasi beterepó. Ti ai sekę ą betere tikita, sikipa doyné bopéro beterepó. Ai sikipa doyta, *emerald* kane kasa kasa kaae epa kelalepó. ⁴Kale tęteróló kaae tare doasi betere tiki bopéroló, 24 whı disirape 24 *sea* dokoyóló betó molepó. Ai sekęrape atimané deró betere kutita, mo dęi wisinaale deróo, atimané topomókélé tęteróló kaae tare doasiné deró betere *kold kapané* aleale topo tao deróo epa kelalepó. ⁵Ai kale doasi betere tikimó epée fitęa duraalu, be sapalaa yóo, tęteróló kaae tare doasiné kutiriró beterepaae anóló, węikeró sę dirirape dó diliki yóo, erepó. Ai sę dirirapeta, Kótóné węikeró keperapepó. ⁶Atéro kelalemó, kale tęteróló kaae tare *sea* mole hosaamó węi kęla wisinaale belerepó. Ai węita, *klas* kasa kasa kaae erepó.

Kale tęteróló kaae tare doasi betere tuąmó, Kótóné aleale doyró betere ęlarape ai doasi bopéroló betó molepó. Ai kale doyró betere ęlané tikimó hosaapaaekélé sisópaaekélé mo fea keletóro dae molepó. ⁷Kale doyró betere ęlarapené ere ala i ape. Kolosale ęlata, ti *laiyon* kaae beterepó. Kolosale noma ęla ti hae dukıyaai só kotere *bulmakau* wę hupu kaae beterepó. Doų noma ti whıné kelepaa kaae daai ęla beterepó. Doų ti sikimó sę kotere ba dukaa kaae beterepó. ⁸Ai doyró ęlarape atima dokó fea baase apomiró daalepó. Atimané tikimó ere kaae baase aqrókélé keletóro dae molepó. Ti ai sekęrape atima dętamokélé dikitamokélé etei fo hęle yótóro tarapó.

“Mo doasi fotokó bole mo kae betere Tale Kótó ą take biteré wóo, miókélé, nalo waaire alimókélé ątóró hęle betó tawaalopó fo,” momó du momó du, du betalepó. ⁹Ai doyró betere ęlarape atima kale tęteróló kaae tare doasi betere tikimó bitu ama ere doakale doi mole Talepae mo kée yóló dukiraterere fo du betepa, kale tęteróló kaae tare 24 whı disirapekélé i ala dua dapó. Atima betere *searape* taaróló, haemó deraapisa fóló mulu, kale tęteróló kaae tare doasi betere tikimó mo ti betó tare Talepaae mo kée yóló, ą aqmó sukóló bitua dapó. ¹⁰Ai 24 whı disirape atimané deró betere topo taorape sókó su yóló, tęteróló kaae tare doasi betere tiki felekemó mulóló duraalu,

¹¹“Dę tęteróló kaae tare Tale Kótóo, fea ęla naaotóro aleyóló muló beterepó.

Aita naao kisipa mole alatóro sya furaalu, kaaró betereiteiné takekélé miókélé, atima hęle betó tarapó.

Naao fotokóné ai alarape epa ya doasi doi mulatere alakélé, naao doi hale horatere alakélé, dąné yappaae mo sımó eranérapó,” dua dapó.

Bopeyóló muló betere asęre sókuró Sipsip hupu maletamomó ere fo

5 ¹Téro yaľo kelalemó, kale tęteróló kaae tare doasi ą *seamó* bitu, betą bopeyóló mole sóku utékélé itékélé asęretei, ama turu naasené tarepó. Ai asę mo whinė kelaşsóró, kinóló węikeró dirii ęlané diriróló dateķaró betepa kelalepó. ²Atępa, mo doakale fotokę bole *ensel*-né fo fakeyóló duraalu, “I bopeyóló mole asę dateķaró betere ęlarape mé whinė daęyóló teraanére?” yalepó. ³Térené ó hepen bemókéłé, i haemókéłé, hae aęrókéłé, ai bopeyóló muló betereitei teraayóo, u tuąmó asęyóló mole fokélé kolóo yaaire whi mo betąķókéłé bitinipó. ⁴Kale bopeyóló muló betere ęla teraayóo, tuąmó asęyóló muló betere fo kolóo, yaai şure whi mo betąķélé bitinipa kilitu, ę deķené sini wole du betalepó. ⁵Atétu betalemó, kale whi disirapekó betąné ępaae duraalu, “Wolekesé. Juda fake tuąmó wale *Laiyon*-ta, Depit kaayale bete ai walapa kelae. Ai sekęné ama bóe whi dóló tęteró betereiteiné kale bopeyóló mole asę dateķaró betere węikeró ęlarape ama betą şumó tukóló dańanérapó,” yalepó.

⁶Atępa kelalemó, betą *sipsip* hupu male tęteróló kaae tare doasi betere tuąmó daalepó. Ai *sipsip* hupu maleta, whinė daletikimó sukąle nisi erepó. ą doasi betere tuą dolomó, kale doųró betere ęlaraperó 24 whi disirapetamoné ą bopéróló daae molepó. Ai tuąmó daale *Sipsip* hupu malené topomó węikeró sekęró węikeró kelerapetamo daae molepó. Ai sekęró keperapetamota, Kótóné i hae kwiamó betó mole so whi paae dotonale węikeró keperapepó. ⁷Ai sekę ą wóló, kale bopeyóló muló betere asęre sóku, kale tęteróló kaae tare tikimó betere doasiné turu naasené tapa salepó. ⁸Kale sekęné asęre sóku sóró tapa kilitu, doųró betere ęlaraperó kale tęteróló kaae tare 24 whi disirapetamo atima kale *Sipsip* hupu male daale felekemó deraapisa fóló fió molepó. Ai whi ęrape atima dokę feané *kita* kaae ęla *harp* tawóo *kold kapané* aleale okopoi nukurape tawóo, erepó. Ai nukurape tómó simó bilitepa felé kęłaa wisi wale ęlarape belerepó. Ti ai felé kęłaa wisi wale ęłata, Kótóné ama so whipóló kae beteró betere so whinė momatere fopó. ⁹Téro atimané kisi wole foné duraalu,

“Yaťa, ai bopeyóló muló betere asęre sóku teraayaaire mo şurapó.

Ti noatepae, ya dupa sókó fele sameané Kótóné so whi beteraai, kae kae fakekélé, kae kae be fo bole so whi kélé, kae kae tiki daale so whi kélé, kae kae *Gavman*-né tęteróló kaae tare so whi kélé, i dosąayale fakerape tuąmó mepaae so whi naao sameané dupuralepó.

¹⁰Naao dupurale so whi atimata, Kótóné tęteróló kaae tare aęmó betóo, Kótóné ala eróturaalu moma yóo, yępóló naotei sóró beterealepó. Atęyale so whi atimané i hae kwia fea tęteróló kaae tawaalo ai ape,” yalepó.

¹¹Téroro yaḷo kelalemó, kale doasi betere *sea* bopéroló doḡró betere ḡlarape daayóo, ai sisómó 24 whḡ disirape daayóo, ai tḡ faróló *ensel*-rape mo ni sóku kaae (100,000,000) wó mulu, i wole fo du betepa wosalepó.

¹²“Tḡteróló kaae tare fotokḡkélé, mepaae wisi wisi ḡlakélé, fosó fosó kisipakélé, fotokḡkélé, doasi doi mole alakélé, ama ere ala wisi haḱearatereteikélé, ama doi sóró horatere alakélé, fea ḡané aḡaae eratepa, kale dale *Sipsip* hupu malené mo sḡmó senérapó,” du betalepó.

¹³Téroro, Kótóné hepen bemó aleyóló muló betere ḡlakélé, i hae tómó betó mole ḡlakélé, hae aḡró betó mole ḡlarapekélé, wḡ tuamó betó mole ḡlarape feané ḡló betāpaae touróló i wole fo du betepa yaḷo wosalepó.

“Kale tḡteróló kaae tare *seamó* betere sekḡró *Sipsip* hupu maletamo dukiróló hale horatere alakélé,
doasi doi mulatere alakélé, ama ere ala wisi haḱearatere alakélé,
fotokḡ bole alakélé,
betere dokḡ fea atimaampaae eraté fu beteḡpóló yae!” du betalepó.

¹⁴Atétu betepa, kale doḡró betere ḡlarapené duraalu, “Mó kée, téyḡpóló yae,” fo dekeró yó tawalepó. Atimané ai fo depa, kale 24 whḡ disirape deraapisa fóló mulu, Talené doi sóró horótu betalepó.

Diriróló kinó betere ḡlarape

6 ¹Téroro, kale *Sipsip* hupu malené bopeyóló mole asḡre sóku diriróló kinó betere wḡikéroro ḡla betā tukóló teraatepa kaae taremó, ai douró betere ḡlakó betāné “Ape!” dere fo be sapalaa dere kaae yalepó. ²Atétepa kelalemó, betā ḡei *hos* hupu ḡ daalepaae anóló mo tumó daalepó. Ai *hos* hupu tómó betere whḡiné diki tawóo, doasi tḡteróló kaae tare whḡiné deratene topo tao mené aḡ maletai deróo erepó. Atéroro deróló, bóe whḡ dóló torokḡ falaai mo doakale ketekḡ buló felepó.

³Kale *Sipsip* hupu malené kolosale noma kinóló dateḡaró betere ḡla tukóló ḡayalemó, kale kolosale noma betere ḡlané, “Ape!” yalepó. ⁴Teró me *hos* hupu sókó wapa kelalemó, mo si mi sonaa kaae erepó. Ai hupu tómó betóló wale whḡpaae, i haemó mole so whḡ hosaa muni deyóló dua betere ala fasó sóró, bóe dóló u du i du yḡpóló, mené fotokḡ amó malepó. Téturaalu, aḡaae doasi bóe dele sepaekékélé mené melalepó.

⁵Téroro, kale *Sipsip* hupu malené doḡ noma ḡla tukóló ḡayalemó, kale doḡ noma betere ḡlané duraalu, “Ape!” yalepó. Atétepa kaae taremó, dilikii *hos* hupu wóló ḡ daalepaae anóló daalu, betā sekḡ ḡale sere ḡla *skel* tarepó. ⁶Atétepa, yaḷo wosalemó, kale doḡró betere ḡlarape kuamó whḡiné fo kaae yóló duraalu, “Betā whḡ betā be ḡemó kutó diteremó sere *moniné whit* o betā *lita ó bali* o sore *lita* wuti senérapó. Térapa, nokole *Olip wel* wḡeiró *wain* wḡitamó betā doraḡsóró hotowaró kaae tawae,” yalepó.

7Téror, kale *Sipsip* hupu malené doḡ kinó betere ɔla tukóló teraatēpa kaae taremó, doḡ betere ɔlané duraalu, “Ape!” yalepó. 8Atētepa kelalemó, ɛ daalepaae anóló betá sini tiki daale *hos* hupu daalepó. Ai *hos* hupu tómóta, sukutere ala bete tare wh̄j beterepó. Ai *hos*-né sisómó sukutere ala betēpa, ai hupuné k̄límó sukutere so wh̄j betere tiki ama doi *Hedis* wou betalepó. Ai wh̄j tamopaae, hae kwia feamó betóló fale so wh̄j d̄póló fotokḡ bulalepó. Ti so wh̄j daaireteita, atimaamoné bóe dele sepakenékélé, wote alinékélé, doakale hepo alinékélé, i haemó betó mole syaae kaae ɔlanékélé, dilé kw̄ȳpóló fotokḡ s̄mó melalepó. Atéror dilé kuturaalu, douró fake beteretei betá fake duraalu, sore fake beterópóló taaraalopó. I hae kwia feamó betóló fale so wh̄j atéror dilé kw̄ȳóló kemerae, yóló fotokḡ s̄mó matepa tarepó.

9Téror kale *Sipsip* hupu malené apo kinó betere ɔla tukóló teraatēpa kaae taremó, momatere kapo daale aḡmó keperape betó mupa kelalepó. Ai keperapeta, Kótóné fo yó matere alaró Yesu Keriso etei kaae Talepóló yó matere alatamo deremó, mēpaae wh̄jné dale keperapó. 10Ai sek̄rape atimané fo fake yóló duraalu, “Mo fo ɔanuraalu betere bete tale bitu, fea ala t̄teróló kaae tare Tale-ó, i haemó betó mole so wh̄jné dowi alaró d̄ duraalu sókó farale sameatamómó tale yóló kwia melaaire be d̄ w̄póló meteró felimó kaae tawóló betaalóé?” yalepó. 11Atéror atima dokḡ feamó deróló sókó fatere d̄j kuti melóló duraalu, “Diá betá kutó diratere norape atimakélé mené d̄póló sawa kaae tawae. Ti noatepae, i dos̄ayale daaire wh̄jrape fea s̄mó dóló kemeréni teópó,” yalepó.

12Yaḡo kaae taremó, apomiró datek̄aró betere ɔla tukóló teraayalepó. Atéror teraateremó, doakale bao yóló, suka mo ti diliki yóo, wéliékélé mo samea bet̄aae fo erepó. 13S̄mó daae mole h̄rerapekélé, doakale bes̄né nose du hara torokó derótu dere kaae torokó deralepó. 14Saḡa, as̄tere sóku bopetu dere kaae bopeté fóló alune felepó. Hae kwia feamó daae mole hasi fos̄rapekélé, w̄jné tukóló bopéró betere haerapekélé, daale tiki taaróló, kae tikipaae daane felepó.

15Hae kwia fea t̄teróló kaae tare topo wh̄jrapekélé, atima betale sirimó betaaire naalerapekélé, diki tare wh̄jrape t̄teróló kaae tare topo wh̄jrapekélé, néli wh̄jrapekélé, bóe dele fotokḡ bole wh̄jrapekélé, wae sóró beteratere wh̄jrapekélé, k̄leaané betó mole wh̄jkelé, kapo dolopaae hȳo muni f̄oo, kapo beléli dolopaae hȳo muni f̄oo yalepó. 16Atima atéror fóló bituraalu, hasi fos̄paaekélé, kapo fakepaaekélé duraalu, “Kolokó dorowouraalu d̄ t̄jyane dere ape. Ti noatepae, t̄teróló kaae tare tikimó betere sek̄né kelepaaró *Sipsip* hupu maaletamoné fopaae bole alatamo d̄ané kelaḡsóró kinae. 17Ti noatepa meipó. Atimaamoné doakale fopaae butu kwia matere be d̄ ai sókó wale ape. Atétere be d̄emó de daanére? Mo daayókélé enénipa wiyae,” du betalepó.

144,000 so wh̄j sirirale fo

7 1Ai ala yóló k̄lipaae i douró hae kwiamó douró *ensel* dokḡ yóló daapa kelalepó. Atéror daalu, haepaaekélé, doasi w̄j k̄lapaaekélé,

besë tiki waqsóro, atima dokó feané sesétu beterepó. ²⁻³Atéro, *ensel* me kae suka hoteró ę daalepaae wou betepa kelalepó. Ai *ensel*-né mo ti betere Kótóné siriró betere ęla tarepó. Ai *ensel*-né haekélé, wëi ęlakélé, doraaire fotokó bole douro *ensel*-rapepaae fo fakeyóló duraalu, “Kótóné kutó diratere so whiné kutirimó siripi eraaipa, hae tikikélé, wëi ęlakélé, nirapekélé, hapale doréni kaae tawae,” yalepó. ⁴Ai sirirale so whi dosąatepa ęlo wosaleteti i ape. 144,000 so whiņa, Israel fakerapetórotipó.

⁵⁻⁸Juda fake dosąayóló sirirale so whi dokó sóro touróturaalu 12,000-rópó.

Ruben-né fake touróturaalu 12,000,
 Kad-né fake touróturaalu 12,000,
 Aser-né fake touróturaalu 12,000,
 Naptaliné fake touróturaalu 12,000,
 Manasené fake touróturaalu 12,000,
 Simeon-né fake touróturaalu 12,000,
 Lipainé fake touróturaalu 12,000,
 Isakar-né fake touróturaalu 12,000,
 Sepulun-né fake touróturaalu 12,000,
 Josep-né fake touróturaalu 12,000,
 Benjamin-né fake touróturaalu 12,000-rópó.

So whi hąle ęla kaae deji kuti deróló daae mole fo

⁹Ai ala yóló kemetepa kese faralemó, so whi mo hąle ęla kaae daae molepó. Ai daae mole so whiņa, betą be huluamó maaté wenipó. Kae kae *Gavman*-né tęteróló kaae tare so whikélé, kae kae tiki daale so whikélé, kae kae be fo bole so whikélé, kae kae fake so whikélé, kale tęteróló kaae tare tikimó mole *searó Sipsip* hupu maletamo betere hosaamó daae mupa kelalepó. Atéro daae mulu, deji deróló sókó fatere kutirape deróo, olóu dąarape tawóo erepó. ¹⁰Téro, ai daae mole so whiné doasi fo fakeyóló duraalu,

“Tęteróló kaae tare *seamó* betere Kótóro *Sipsip* hupu maletamoné dą mo ti aluyaqsóro tao su betere beteta, mo atimaamotórotipó,” yalepó.

¹¹Ai daae mole *ensel*-rape fea, tęteróló kaae tare doasi betere tikikélé, kale whi disirapekélé, kale douro betere ęlarapekélé, bopéróló daae molepó. Tęteróló kaae tare doasi betere *sea* molepaae fetée fóló, Kótó betere aqmó deraapisa fóló fió mulu duraalu,

¹²“Mo dapó.

Téyópóló yae! yóló, hale sóro horatere alakélé, mo deji ala wisikélé,
 tuę tiki fosó fosó yóló dotoróę fole alakélé,
 mo kée du betere alakélé,
 doakale doi mulópóló du betere alakélé,

fea ala yaaire fotokō sūmō bole alakélé
 dā tēteróló kaae tare Kótópaae betere dokō fea yó tanópóló yae.
 Mo kée. Táyópóló yae!” du betalepó.

¹³Téró, kale tēteróló kaae diliki yó mole whī disirapekó betāné ēpaae woseturaalu, “I deī fōlo kuti deró betere so whīrape-a, demaaté? Mopaae wale so whīé?” yóló wosalepó.

¹⁴Ti fo depa yało āpaae tokō mótu duraalu, “Doa whī-ó, naao ai tuēre ape,” depa, kale sekēné ēpaae duraalu, “I daae mole so whī atimata, doasi sekeī ala hałe beleté waleteiné atima deró betere kutikélé *Sipsip* hupu male sameané fokale tikimó mo deī ai erapa kelere? ¹⁵Atéyale tikimó, “Tēteróló kaae tare Kótó ama *seamó* betepa, atima ā beterepaae kese anóló bitu, ama momatere bemó mole ala dețamokélé, dikitamokélé, hałe erótu beterapó. Até du betepa, tēteróló kaae tare doasi ā betere tikimó bituraalu, ama atima wisiyóló beterópóló, kuti be tēnótu betaalopó.

¹⁶Atéru, wote dere alaró wēi nokole dere alatamo momó kae yaalomei ai ape.

Suka supunékélé, mo hałe supunékélé atimané tiki mo doraalomeipó.

¹⁷Ti noatepae, tēteróló kaae tare doasi betere tuāmó daale *Sipsip* hupu maleta, hupu kaae tare whīné dere kaae, atima mo wisi yóló kaae tarapó.

Atima dape sóró mo ti betere bete tuāmó wó tare wēi nópóló ālisóró faalo ai ape.

Atéró betepa, Kótóné atima kelemó dorowou betere wole kaae fea helekóló kópuraalopó, ’ yalepó.

Wēike diriróló kinó betere ęla tukóló teraayale fo

8 ¹Téró, kale *Sipsip* hupu malené kinó betere wēike ęla tukóló teraayalemó, ó hepen bemó fo mo sawakélé ini, hałe hipa fi betepa suka kele 30-*minit* kemeyalepó.

²Atépa kelalemó, Kótó betere felekemó daae mole wēikeró *ensel*-rapepaae ukulumó wuti betā betā yóló melalepó.

³Atéró kelalemó, me *ensel*-né *kold kapané* aleale okopoi nuku tarepó. Ai nuku tómóta, felé kęlaa wale fetera kaae ęla belerótua dapó. Ai ęla só wóló, simó sukųlaa daróló momatere tikimó daapa, si keletómó biliratepa felé kęlaa wisi wale ęla mené āpaae mo dekéro malepó. Ai felé kęlaa wale ęlaró Talené kae betéro betere so whīné dere momatamo touróló, doasi betere *sea* molepaae anóló, *kold kapané* aleale momatere tikimó, Talepaae melaai sóró walepó. ⁴Téró, kale felé kęlaa wisi sukuli kaae, *ensel*-né naase taaróló, Kótó beterepaae holalepó. ⁵Téró, kale *ensel*-né okopoi nuku taruraalu, kale momatere tikimó duku betere si kelerape kęae sóró

nuku ƒaᅇanoló, i haepaae taae deralepó. Téyalemó, epée ƒitaᅇa yóo, doasi be sapalaa dorowóo, bao doasi yóo yalepó.

Kale weķikeró ukulumó wutirapené haleraletei

⁶Weķikeró *ensel*-rape ukulumó wuti haleraai donoróló daae molepó.

⁷Kale kolosale *ensel*-né ama ukulumó wuti haleralemó, hali *ais* kane kaae alée fóló dorowóo, simiró sameatamo hosekéyóló dorowóo, yalepó. Atéyaleteiné hae kwia sore moletei betᅇa siné dukuraalu, tamo hae kwia haᅇle muni felepó. Nirapekélé atétóro yalepó. Nerapeta, fea siné doló sukᅇlaa dalepó.

⁸Téró, kale kolosale noma *ensel*-né ama ukulumó wuti haleralemó, doasi hasi fosó kaae ᅇla siné doló kuló di weķi keᅇla tópaee taae deralepó. Atéyalemó, ai weķi keᅇla sore maanetei, tamo haᅇle belene furaalu, betᅇa samea alée felepó. ⁹Weķi keᅇla tuᅇmó sore betere ᅇla fake betᅇa dóló sukunóturaalu tamo betepa taaralepo. Doasi weķi tómó kotere nukukélé tamo mupa taalóturaalu betᅇa fake doralepó.

¹⁰Téró, doᅇu noma *ensel*-né ama ukulumó wuti haleralemó, saᅇmó daale doasi hᅇre betᅇa i haepaae si kaae dukulé dorowóló, doasi fole weķiró ᅇmale weķitamo tópaee dorowalepó. Atéyale tikimó, sore fake maanetei betᅇa fake doróturaalu, tamo taaralepó. ¹¹Ai dorowale hᅇrené doita, Hakesᅇapó. Ai hakesᅇare weķirape nale tikimó, mo deķéró so whᅇi sisiraae felepó.

¹²Téró, kale doᅇu *ensel*-né ama ukulumó wuti haleralemó, suka ke sore fake deᅇretei, betᅇa fake dalemó dilikiyalepó. Hᅇrekelé, wéliékélé atétóro yalepó. Be deᅇtamokélé tamo fake deᅇpatei, betᅇa fake dilikiyóo, dikitamokélé, tamo fake sawa deᅇpatei, betᅇa fake mo ti diliki yóo yalepó.

¹³Téró, yaᅇlo kaae tapatei, betᅇa dukaa ó saᅇ tuᅇmó seᅇ kutu bitu fo fakeyóló duraalu, “Kale haᅇle bitᅇi fale sore *ensel*-né ukulumó wuti haletepa, i haemó betó mole so whᅇpaae seᅇᅇi ala waairemó mo doasi, ‘Wió yae! Wió yae!’ I haemó betó mole so whᅇrape-ó, diᅇ mo wió yae!” du betalepó.

9 ¹Téró, kale apo *ensel*-né ama ukulumó wuti haleralemó, take ó saᅇmó i haepaae tokó dorowale hᅇrepaae mo apaae derepale wosono dolo tuᅇ *ki* mené ᅇpaae matepa kelalepó. ²Téró, ai sekéné mo apaae derepale wosono dolo tukᅇyalemó, kutó néli bilitepa, hotere sukuli kaae sokalepó. Atéro holale sukuliné sukaró saᅇtamo kinóló, be mo dilikiyalepó. ³Téró ai sukuli dolomó, ero nusurape haepaae dorowalepó. Atimané whᅇi tukó nukupa dotopo deretei, tᅇ serekené tukó nukupa dere kaae yᅇpóló, mené ᅇ doasi fotokᅇ melalepó. ⁴Ai erorapepaae i fo yóló mulalepó. “I haemó yó mole nerape ó mepaae ere ᅇlarape ó nirape momókó doraᅇse. I hae kwiamó betere atima kutirimó Kótóné siri erénire so whᅇi maaté tukó nae,” yóló mulalepó. ⁵Ai ero nusupaae melale fotokᅇta, so whᅇi mo ti

sukópóló tukó néni, doasi dele sóró kaketu beteřpóló, aporó wéliémó tuamó turukóló nukulé fu betae. Atétepa, dere dotopota, tğ serekené tukó nukupa, dere kaae yaalopó. ⁶Atétere sukamó, so whı fea sukąaitere tğ kekąalotei, sukutere ala kelaaolomeipó. Atima mo ti sukunée deté fu betaalotei, ai tuamó sukutere ala mo muaalomeipó.

⁷Téřó, kale ero nusurape kelalemó, bóe deęle faairaalu, *hos* hupurape donoróló biture kaae erepó. Atimané topomóta, kale teęteróló kaae tare doasiné deró betere *kold kapané* aleale topo tao kaae deróo, atimané kelepaakélé mo whıné kelepa kaae daayóo erepó. ⁸Téřó kale ero nusurapené topo nikikélé, sorapené niki kaae daayóo, atimané sekękélé *laiyonné* sekę kaae daayóo epa kelalepó. ⁹Atimané bopémó yaęle sene wařsóró, *aiyon kapa* wase kaae dakeró beterepó. Atima burą furaalu dere sépi haleta, *hos* hupuraperó atimané sıyóló só kotere ęlatamo bóe daai furaalu, dere diri fake hale kaae yalepó. ¹⁰Atima disalené whı tukó nukupa dere dotopota, tğ serekené tukó nukupa dere kaae dapó. Atimané so whı tukó nukuraalu, feę dée daalatero dotopomó kaketé fu betepatei, wélié aporó kemeyaalopó. ¹¹Atima teęteróló kaae tare topo whıta, mo apaae derepale wosono dolomó betere *ensel* daalapó. Ai *ensel*-né ama doi Hıbru foné Apadonipó. Krik foné Apolıyonipó.

¹²Folosóró waaire sekęmó, wió yae yale ala kemeyalepó. Tépatei, tamo waai haęle mulapó.

¹³Téřó kale apomi *ensel*-né ama ukulumó wuti haleralemó, Kótó betere felekemó *kold kapané* aleale momatere tiki kwia dokomó daaté fale sekęrapemó sókó wale fota, mo whıné dere fo kaae depa wosalepó. ¹⁴Atéřó yale foné kale ukulumó wuti tare apomi *ensel*-paae duraalu, “Kale doasi Yupretis fole weřimó dokóló muló betere doęřó *ensel*-rape haęle fıřpóló sókó daalae,” yalepó. ¹⁵Atima ai doęřó *ensel*-rapeta, ba fomókélé, wéliémókélé, be deęmókélé, sukakelemókélé, mo tukóló mulóló donoró betere be deęmótóró i hae kwiamó betó mole so whı sore fake betereitei, betą fake dópóló dotonalepó. ¹⁶Atéřó, bóe daai kale *hos* hupu tómó betóló fele whırape fea, dokğ sóró touróturaalu, 200 *million*-pó (200,000,000) depa wosalepó.

¹⁷Yaęlo nokenaró dere kaaené i ala epa kelalepó. Kale *hos* hupu tómó betó mole whırape atima bopémó sere bóe wase mo si kele kaae sonaa yóo, mepaae sukuta yóo, mepaae ti *sulpa* kaae, whé yóo, erepó. Ai *hos* hupuné topota, mo *laiyonné* topo kaae daalepó. Ai hupurapené křlómó, simıřó sukulitamokélé, si dokole kane *sulpa*-kélé atimané křlómó sókó walepó. ¹⁸Ai sore ęlarape atimané křlómó sókó wouraaalu, i haemó betó mole so whı sore fake betereitei tamo taaróló, betą fake dóló kemeralepó. ¹⁹Ai *hos* hupurape atimané fotokęta, křlóró disaletamomó bulapó. Atimané disalerape mo wuli tiki kaae daalu, ama disale kwiamó topo daalapó. Ainé so whı tukó nukupa, doasi dele sua dapó.

²⁰Kale wh̄i dele ḡlané dóló mepaae taarale so wh̄i atima naasené aleale kapala kótópaae tué tiki tiratere ala taaréni, haḡe yó tarepó. Ti ai kapala kótórapeta, *kold kapanékélé, silpa kapakélé, brons kapanékélé*, mo kaponékélé, ninékélé, aleyóló daaló betepatei, atima kotere ala ó, wosetere ala ó, keletere alamo dumipó. ²¹Atimané wh̄i dele alakélé, kae kae hosḡ fokélé, nópu nokole alakélé, ḡlémi nokole alakélé fea taaróló kisipa feteni, haḡe yó tarepó.

Asere sóku belekaḡa male doasi fotokḡ bole ensel-né ḡaḡe faróló tare fo

10 ¹Téro, me doasi fotokḡ bole *ensel* hepen be taaróló, i haepaae dorowou betepa yaḡo kelalepó. Ai sekéné ama kutita, mo saḡkótóro deróo, ama topo tó sikimó sikipa doḡ filipaa yóo, ama kelepaakélé, mo suka ḡḡ kaae yóo, ama ḡleke tamokélé, doasi ni tikimó si dukutere kaae dó tawóo erepó. ²Ai sekéné ama naasené belekaḡamale asere sóku ḡaḡe faróló tarepó. Ama turu ḡleke doasi weḡi keḡa tómó daalóo, feḡ ḡleke hae tómó daalóo epa kelalepó. ³Atéru, ai sekéné ama dere fo faketa, *laiyon-né* keteré kaae yalepó. Ama atéro fo faketeremó, weḡikeró be sapalaané wh̄iné fo kaae depa wosalepó. ⁴Atéro weḡikeró be sapalaané yale fo yaḡo asḡ yaai yalemó, ó hepen bemó sókó wale foné duraalu, “Kale weḡikeró be sapalaané yale fo asḡni kinae,” yalepó.

⁵Take me ḡleke weḡi keḡa tómó daalóo, me ḡleke hae tómó daalóo, epa kelale *ensel-né* ama turu naase ó hepen-paae horó beterepó. ⁶Atéru, saḡró hepen-tamokélé, haekélé, weḡi keḡlakélé, ai sore tikimó ere ala ó mole ḡlatamo, fea aleyale mo ti betó tare Talené doi yóló malotu duraalu, “Kaae taté fole ala momó kae yaalomeipó. ⁷Tépatei, nalo kale weḡike *ensel-né* ama ukulumó wuti hale yaaire be ḡḡ teópa kaae taru, i ala yaalopó. Kótóné kinóló mole ala i ape yóló ama kutó diratere kḡló wh̄irapepaae deté wale fo dokonóturaalu, mo eróló kemeraalopó,” yalepó.

⁸Téro, take hepen bemó sókó wapa wosale fonétei ḡpaae momó duraalu, “Kale weḡi keḡlaró haetamomó hó daaló betere *ensel-né* ḡaḡe faróló tare asere sóku sene fae,” yalepó.

⁹Atétepa, ḡ kale *ensel* daalepaae fóló, naao ai tare asere sóku kwia sawakó ḡmale melaaloé yóló wosalepó. Tétepa ḡpaae duraalu, “Tao sóró nae. Atéro nukupa, naao kḡlómóta, meke feḡ felé kaae yaalotei, depe tuḡmó feléni doyaalopó,” yalepó. ¹⁰Atétepa, kale asere sóku sawatamo ama naasené tapa, yaḡo tao sóró nalemo, kḡlómó meke feḡ felé kaae yaletei, depe tuḡpaae bitḡ durupuraalu, yaḡo depe mo doyaalopó. ¹¹Téro, ḡpaae duraalu, “Kae kae tiki daale so wh̄ikélé, kae kae *Gavman-né* teḡteróló kaae tare so wh̄ipaaekélé, kae kae be fo buó mole so wh̄ipaaekélé, kae kae teḡteróló kaae tare topo wh̄irapepaaekélé, mo so wh̄ipaaekélé, Kótóné eraaire ala i ape yóló, momó yó melae,” yalepó.

Kótóné yaaire ala i ape yóló yó matere wh̄i tamoné yale ala

11 ¹Téro, ḡaḡe sere ḡla kaae, kape siki mené ḡpaae melóló duraalu, “Yaḡ fóló, Kótópaae momatere beró Talepaae simó sukḡlaa dalatere

tikitamo ɗaļe sene fae. Téturaalu, ai be tuamó touróló bitu, Kótóné doi sóró horótu betere so whikélé dokɔ sae,” yalepó. ²Tépatei, kale momatere be bolaare tipi tuā betā ɗaļe saqse. Ti noatepae, ai belata, Juda meire fake so whimó meló betereteinépó. Kótóné ama mo kae tene be hulua wisinaale Juda meire fakené folokoleróló, hōko kutu betepatei, 42 wélié kemeyaalópó. ³Téró, yaļo du betere ala yó matere whi tamo yaļo fotokɔ matepa, atimaamo deķemó deratere yei kuti deróló, Kótóné diāpaae dere fo i ape, yóló yó maté kutu betepa, 1,260 be ɗerape kemeyaalópó. ⁴Ti ai seké tamota, i hae kwia fea teteróló kaae tare Tale betere felekemó daale *Olip* ni tamo kaae daayóo, sađ diri tamo kaae daayóo erapó. ⁵Mepaae whi denétamo atimaamo doraai du betepa, ti atimaamoné kōlómó sókó wale siné atima dó sóró mo ti aluraalópó. Mepaae whi dené ai seké tamo doraai kisipa mutepa, ti atimané ai dere alamó atimatei sukāļo ai ape. ⁶Kale seké tamoné bole fotokɔ etérópó. Kótóné atimaamopaae dere fo mo so whiāpaae yó matere be ɗemó, hali waqsóro kinaaire fotokɔkélé sumó bolepó. I haemó belere weikélé samea alée falóo, yaaire fotokɔkélé sumó buóo, erépó. I haemó betó mole so whiāpaae kae kae dowi seķi alarape atimaamoné heķesere be ɗemó sumó eranérápó.

⁷Atimaamoné kelale ala yó maté fóló kemerateremó, mo a dolopaae derepale wosono dolomó betere dowi syaae kaae ɔla sókó huturaalu, bóe dóló atimaamo teteróló mo ti sukópóló daalo ai ape. ⁸Téró, ai seké tamoné tiki doasi doi mole be hulua tu hāķeamó muaalópó. Ai be huluamótóro atimaamo teteróló kaae tare Tale filipaa ni tómó oleróló dalepó. Ai be huluapaae dó faróló, Sodom beró Isip haetamo kaaepó. ⁹Atimaamoné tiki atéro hāļe mupa, kae kae tiki daale so whinékélé, kae kae fake so whikélé, kae kae be fo bole so whinékélé, kae kae *Gavman*-né teteróló kaae tare so whinékélé, sore be ɗe kemeyóló doū be ɗené suka tuamó ķeleta yópólópa दौरaqse. ¹⁰I hae kwia feamó betóló fale so whiné duraalu, “Atimaamo Kótóné kōló whi bitu, ɗā dóló susupurótu betale seké tamo ti mulapa kelae yóló doka doka yaalópó. Téturaalu mo kée yóló, atimasisi wisi wisi ɔla u mótu i mótu du betaalópó,” yalepó.

¹¹Tétu betaalotei, sore be ɗe kemeyóló doū be ɗené suka tuamó daapa, Kótó betemó sókó wale fomo atimaamoné tiki tuāpaae bitī derepaalópó. Téturaalu, kale seké tamo turukó holóló daane hotere kilitu, kale so whi atima winé sukóló diri furu furu yalepó. ¹²Atéro turukó holóló daapa, ó hepen bemó atimaamopaae fo fake yóló duraalu, “Ipaee holae!” deremó, atimaamoné bóe whiārapené kaae dilikiyó mupatei, hepen-paae huturaalu, saķo dolomó buó deyalepó.

¹³Até yale sukakelemótóro doasi bao duraalu, naase tamo be hulua eretei betā kolokó doropuraalu, aporó kemeyóló, me naase doūró be hulua fake hāļe erépó. Ai bao yaleteiné be ķāturaalu, doló kemerale so whi fea dokɔ sóró touróturaalu 7,000 so whipó. Até deremó, dini hāķsóķ

fele so whi atima winé sukutu, ó hepen bemó betere Kótó mo daalapóló doi sóró horótu betalepó.

¹⁴Kale kolosale noma wió yae yale sekę wóló kemeyaleteti, doų noma wió yae yale sekę betą mo felekemó waalo ai ape.

Węike dakeróló ukulumó wuti hale yaleteti

¹⁵Téró, kale węike *ensel*-né ama ukulumó wuti haleralemó, ó hepen bemó atimané doasi fo fakeyóló duraalu,

“Take i hae mené tęteróló kaae taretei, fasó sóró mió dą tęteróló kaae tare Taleró ama so whi tęteróló kaae tare whi Kerisotamoné tęteróló kaae tarapó.

Ai sekęné ama kaae tare ala kemeni, haęe yó tawaalopó,” yalepó.

¹⁶⁻¹⁷Téró Kótó felekemó betere 24 whi disirape, atima tęteróló kaae taru betere *sea* taaróló, haemó deraapisa fóló mulu Kótóné doi sóró horóló duraalu,

“Mo doasi fotokę bole Tale Kótóo, yaęa take bitiré wóló, miókélé haęe betereiteiné dąné yaęaae mo kée dapó.

Ti noatepae, naao doasi bole fotokęné tęteróló kaae tare ala kaae salepó.

¹⁸I hae kwia feamó betó mole so whiné fopaae butu betepa, naao fopaae bole ala sókó walepó.

Sukąle so whikélé, naao kutó diratere kóló whirapekélé, naao kae beteró betere so whikélé, yaęaae wiyóló naao doi sóró horótu betere so whikélé, mepaae doi munire so whi ó doi mole so whi fea tale yóló kwia melaaire be dę sókó wóló i mole ape.

Ai be demótóro i hae dorótu betere so whikélé kwia melóló, doraalopó,” yalepó.

¹⁹Atéyale kılıpaae Kótóné hepen-mó tęne momatere be tu tukwę fóló molepó. Atépa kelalemó, ai be tuąmó ama so whi tao saalopóló, mo dirii fo aseyóló muló betere *bokis* molepó. Tėru, epée fitąa yóo, be są kili kili yóo, doasi sapalaa dorowóo, bao doasi yóo, *ais* kaporó doasi besę tikitamo dorowóo yalepó.

Dowi wuli disóro betą sotamoné yale ala

12 ¹Mo doasi bete mole ala yaairemó, me alapaae dó faróló hepen-mó epa kelale ala wisinaale i ape. Betą soné ama deró betere kutita, ti mo sukatóroti deróo, ama hó aqmó wélié daayóo, 12 hęrerape ama topo tao deróo, epa kelalepó. ²Téró kale soné ama ere naale ęlumétepa saairaaalu, kakóló sisó nuku beterepó. ³Téró kale dere kaae, hepen-mó me alapaae dó faaróló depa kelaleteti me i ape. Sonaai wuli doasi disó kaae betepa kelalepó. Ama topo węikeró daayóo, sekę naase tamo daayóo, węikeró toporapemó doasi tęteróló kaae tare topo whiné

deratere topo tao kaae deróo, yó molepó. ⁴ Ai sekéné ama disale fépo yaletikimó, şamó daae mole hõrerape tamo fake haļe daapatei, betā fake haepaae torokó dorowalepó. Atéró, kale soné ere naale seretamotóró tao sóró nó deraairaalu, mo felekemó melaa yóló beterepó. ⁵ Atépaitei, kale soné naale só mulalepó. Ai naalenéta, *aiyon kapa* fake nópulu tawóló daalu, i hae kwia kae kaemó betóló fale so whı̄ ama tẽteróló kaae tawaalopó. Kale soné ama naale seretamotóróti mo hapale Kótóné tao sóró ama tẽteróló kaae tare doasi betere tikimó ątamo betāmó titiyóló beteralepó. ⁶ Téró kale so ą whı̄kélé bitini, haļe wópu mole haepaae botokó felepó. Ai haeta, kale so ą naale detepa, 1,260 be de tũamó mené ą wisiyóló kaae tawópoló, Kótóné tukóló mulale tikipó.

⁷ Atéró, ó hepen bemó doakale bóe du betalepó. Maikel-né ama *ensel-rape* ipaae kaýáo, kale disó kaae wuliné ama *ensel-rape* upaae kaýáo, yóló bóe du betalepó. ⁸ Téyaleteti, Maikel-ró ama *ensel-rapetamoné* fotokóné kale disó kaae wuliró ama *ensel-rapetamo* doló tẽteróló hepenmó betere alakélé mo ti kemeralepó. ⁹ Atéró, kale disó kaae wuli i haepaae sóró taae deralepó. Ai wulita, mo taketi bitiré walepó. Ama doita, bóe dele dowi kepe ó Satan-pó. Ai sekénétóró, i hae kwia feamó betó mole so whı̄, dowi tũapaae ąlisóró fu beterepó. Ai sekéró ama *ensel-rapetamo* i haepaae taae deralepó.

¹⁰ Téró, hepen bemó etei fo fakeyóló depa wosalepó.

“Dā tẽteróló kaae tare Kótóné tao sere alakélé, fotokõ bole alakélé, ama so whı̄ tẽteróló kaae tare alakélé, ama sóró betero betere whı̄ Kerisoné tẽteróló kaae tare alakélé, mió wóló mulapó.

Ti noatepae, betere dokõ Kótóné keletómó dané ne norape deřtamokélé, dikitamokélé só derótu betere seké ąkélé sóró taae deró betera-pó.

¹¹ Kale *Sipsip* hupu malené samearó Talené atimané betere bete tuũapaae erótu betere alatamo haķeamó yó mótu betalepó.

Atétu betere-mó, atima dupakélé wiyóló taaréni, Kótóné ala betā haļe eraté fu betaleteiné, ne norapetamo bóe du betale seké mo ti dóló tẽteralepó.

¹² Atéremó, hepen be tuũamó betó mole whı̄ diā mo kée yóló haı̄né sinitu betae.

Tépaitei, ą hepen be taaróló diātamo haepaae bitı̄ dorowaleteiné diā haemó betó mole so whı̄ró doasi weı̄ kęla tuũamó betere so whı̄tamo diā fea ‘Wió fo du betae!’

Ti noatepae, ai sekéné ama yaaire ala doa be demó yaalo meipóló kisipa mutu, ą doasi fopaae butapó,” yalepó.

¹³ Kale dowi disó kaae wuli ą i haepaae sóró taae deró betepa kisipa mutu, kale naale deale so daai sya felepó. ¹⁴ Ai so ą bitı̄ fópóló, Talené taketi donoróló muló betere whı̄kélé bitini, haļe wópu mole tikipaae

sḱ fḱpóló, doakale dukaané baase tamo ḱ melalepó. Atéro fóló betepa, wuliné ḱ me ala yaḱsóró mepaae whḱrapené ḱ mo wisiyóló kaae taté fóló, ba fo sorené doḱ ba fo tuḱmó tukóló kemerḱpóló malepó. ¹⁵Kale so atéro fupa, ḱ só fḱpóló dowi wuliné ama ḱlómó doasi fotokḱi wei tiki siriyo analepó. ¹⁶Atéyalemó, kale so tao suraalu, haenétei ḱlóló ḱsóró holóló, ai wei tiki nó deralepó. ¹⁷Atéteremó, disóné kale sotamo mo doakale fopaae buturaalu, ai soné ama mepaae naale senaaletamo bóe daai felepó. Ti aita, Kótóné ama yae yóló muló betere foró, Yesuné ama yale alatamo mopóló erótu betere naale senaaletamopó. ¹⁸Téro, kale disó kaae wuli ḱ fóló, wei fókumó daalepó.

Doasi wei ḱla tuḱmó sókó holale syaae kaae ḱla

13 ¹Téro ai wei ḱla tuḱmó syaae kaae ḱla sókó hotepa kelalemó, topo weiḱeró daayóo, sekḱrapekélé naase tamo daayóo, erépó. Ai sekḱrape tómó tḱteróló kaae tare doasiné deratere topo taorape deró beterepó. Ai toporape dokómó Kótó faletere doirape aseyóló dakerótua yó molepó. ²Ai syaae kaae ḱlata, mo *leapat* kaae aḱrutei, ama ḱleke ti *beané* ḱleke kaae daayóo, ḱlólókéle, *laiyonné* ḱlóló kaae daayóo erépó. Téro, kale wuli disóné fotokḱkélé, ama tḱteróló kaae tare alakélé, fea ala yḱpóló, sóró betero betere alakélé, ai kale weiḱmó sókó holale ḱlapaae malepó. ³Ai kale syaae kaae ḱlané toporapekó betḱmó, mo ti sukunei tḱ daayaletai, momó duniyale siri mupa kelalepó. Atére ala kilitu i hae kwia feamó betó mole so whḱ feané “Haió” yóló siraturaalu, kale syaae kaae ḱlané ama dere alapaee tuḱ tiki tiróló sya felepó. ⁴Ai kale disó kaae wuliné kale syaae kaae ḱlané doasi fotokḱi ala yḱpóló sóró daalateré ala kolóló, so whḱ feané ai kale disó kilituraalu, “Aḱta mo doa Taletóro,” ḱtipóló yóló, atima ḱ daale aḱmó sukóló bituraalu, ama doi hale horalepó. Atétu yale kaae, “I kale weiḱmó sókó horale syaae kaae ḱlatamo de sḱre? Aḱtamo mené bóe dele alakélé mo enénipó,” yóló dukirótu betalepó.

⁵Téro, ai kale syaae kaae ḱlané bopé fake dere fokélé, Kótó faletere fokélé, so whḱ tḱteróló kaae tare alakélé, yḱpóló mené ḱ fotokḱ ḱmó melalepó. Ai sekḱ ḱ ai ala yḱpóló sóró beteratepa, eraté fu bituraalu, 42 wélié tuḱmó eróló kemerḱpóló tḱ melalepó. ⁶Ama ḱlómó dere foné Kótó eratere fokélé, Kótóné doi ḱḱko eróló faletere fokélé, Kótóné ama hepen bemó aḱtamo betere whḱrape faletere forapekélé du betalepó. ⁷Téturaalu, Kótóné atima dowi ala kemeróló kae betero betere so whḱtamo bóe daairaalu, ketekḱ buló só deraaitépa seséni, ama yaaire ala betḱ yḱpóló taalalepó. Kae kae fakekélé, kae kae tiki daae mole so whḱkélé, kae kae be fo bole so whḱkélé, tḱteróló kaae dilikiyó mole hae kwiarapekélé, mo fea ama tḱteróló kaae tanḱpóló mené ḱpaae fotokḱ malepó. ⁸I hae kwia feamó betó mole so whḱné, kale syaae kaae ḱla aḱmó sukóló bitu, “Yaḱta Talepó,” du betaalo ai ape. Ti atimata, kale *sipsip* hupu malené mo ti betó

tare *buk*-mó doi asenire so wh̄ipó. Ti ai *Sipsip* hupu maleta, i hae kwia keke naaipatei, d̄ópólópó yóló muló betere hupu malepó. ⁹Mepaae wh̄i de wos̄li daapata, ti i dere fo wosóló tūe mūópóló yae.

¹⁰ Wh̄i me detamo b́oe duraalu, wae sóró *dipula* beteraalopóló tukóló muló betepa, ti mo atétóró yaalopó.

Wh̄i me de b́oe wh̄iné b́oe dele sepakené d̄ópólópó yóló muló betepa, ti mo sepakenétóró daalopó.

Até yaairemó, Kótóné kae beteró betere so wh̄ipaae sek̄ei alarape wapakélé, haepaae derepéni, diriyóló bitu, Talené ama ala bet̄a ketek̄e buóló eró tawae.

Hae tūamó sókó holale syaae kaae ɔla

¹¹Téroró yālo kelalemó, hae dolomó syaae kaae ɔla me sókó horalepó. Ai sek̄éné ama topomóta, *Sipsip* hupu malené sek̄e kaae daalutei, ama dere fo wosalemó, kale wuli disóné fo kaae yalepó. ¹²Kale haemó sókó horale syaae kaae ɔlapaae folosóró w̄eimó sókó horale sek̄éné ama t̄eteróló kaae tare ala melalepó. Atétepa, nalo wale sek̄éné ama t̄eteróló kaae taru, kale folosóró wale sek̄éné doi eróturaalu, i haemó betó mole so wh̄i feané kale suk̄itei tok̄óló doasi siri mole sek̄epaae Tale-ó, yóló doi sóró horópóló s̄etu betalepó. ¹³Ai kale sek̄éné amatei mo doakale kae kae kelemei alarape eróturaalu, so wh̄i feané keletómó sikélé ó hepen be taaróló i haepaae dorowópóló erótua yalepó. ¹⁴Kale folosóró wale sek̄éné doi doasi mulópóló mené ā fotok̄o s̄umó matepa, kae kae kelemei alarape erótu betalepó. Téturaalu, i hae kwiamó betó mole so wh̄i fea dilik̄óló k̄opaae falatua yalepó. Téroró, kale haemó sókó holale sek̄éné i haemó betó mole so wh̄ipaae duraalu, sepake daayale tikimó doasi siri mole sek̄éné ama doi doasi mūópóló, ama aso s̄uróló aleale ɔla daalae, yóló mulalepó. ¹⁵Téroró, kale folosóró wale sek̄e s̄uróló aleale ɔlané fo yópóló, fomo bulaaire fotok̄o mené haeró sókó holale sek̄epaae malepó. Atépa, i hae kwiamó betó mole so wh̄iné ai asopaae, Tale-ó yóló doi sóró horénitere so wh̄i d̄ópóló, haemó sókó horale sek̄éné fotok̄o s̄umó bulalepó. ¹⁶Ai sek̄éné, doasi doi mole wh̄i ó doi munire wh̄ipaaekélé, néli wh̄i ó yoleale wh̄ipaaekélé, hāle k̄oleaané betó mole wh̄i ó wae sóró kutó diratere wh̄ipaaekélé, atimané turu naasemó ó kutirimó siri erópóló yae yóló so wh̄i feapaae s̄eyalepó. ¹⁷Ai siritamo munipa, ti ɔla dupu dere alakélé, ó dotonatere alakélé, mo yaalo meipó. Ti ai siritu, kale syaae kaae ɔlané ama doi ó ama doipaae f́o faróló ere *nambapó*.

¹⁸Ti etei alata, mo hāle wh̄iné tūe yaalo meitei, mo tūe tiki fosó fosó yóló dotoróe fale wh̄iné bet̄a s̄umó taleyóló bete tūénérapó. Wh̄i me detamo, ama tūe tiki fosópa, ti kale syaae kaae ɔlané *namba* taleyóló bete tūénérapó. Ti ai *nambata*, mo wh̄iné *namba*-pó. Ai sek̄éné ama *nambata* 666-pó.

Sipsip hupu maleró 144,000 so whirapetamoné yale ala

14 ¹Téro yało kelalemó, ę daale felekepaae anóló Saion hasi fosómó kale *Sipsip* hupu male daapa kelalepó. Aimó 144,000 whirapekélé, atima betámó daae molepó. Ai whirape atimané kutirimóta, kale hupu malené doikélé, Alimané doikélé aseýóló dakeró beterepó. ²Téro yało wosalemó, hepen bemó sókó wale haleta, węi dou kqatu dere hu kaaeró be sapalaa dorowale hale kaaetamo depa wosalepó. Meta, *kita* kaae ęlarapené dere hale kaae depa wosalepó. ³Téro, u kale whirape atimané kale tęteróló kaae tare doasi betere tikipaaekélé, ę bopéróló betó mole douró betere ęlarapepaaekélé, whi disirapepaaekélé, kese anóló daae muluraalu, kae kisi wole fo du betalepó. Ai wole fota, haęle mo whiné tuę yóló enénipó. I haemó dowi kwia saęsóró Kótóné tao sóró dupurale 144,000 whirapené betę tuę yóló enérápó. ⁴Ti ai daae mole whirapeta, sorapetamo folokolei ala initu detere kaae, i haemó mole alatamo hosekénire whirapepó. Ti noatepae, atimané betere ala folokole yaęsóró ó me alatamo hoseké yaęsóró mo hotowayóló kaae tawaleteinépó. Ti ai whirapeta, *Sipsip* hupu malené dere ala sya fóló erótu beterápó. Ai whirape atimata, haęle mo so whi kuamó betó mupa, dupuróló Kótóró *Sipsip* hupu maletamopaae kale kutómó folosóró ęlumé dere ęla, Talepaae haęle matere kaae yóló melale 144,000 whirapepó. ⁵Atimata, kapala fo sawakélé muniru, me haęsókó fole alakélé inire whirapepó.

Sore ensel-rapené yale ala

⁶Téro yało kelalemó, *ensel* me kae ó saýmó sé kutu betepa kelalepó. Ai sekęnéta, mo titóróti haęle betó tawaaire kisi fo wisi, i hae kwia feamó betó mole so whipaae yó melaairaaalu, tarepó. Ti ai fota, betę fake so whipaae maaté yó melaai mei, kae kae *Gavman*-né tęteróló kaae tare so whipaaekélé, kae kae fake so whipaaekélé, kae kae be fo bole so whipaaekélé, kae kae tiki daae mole so whirapepaaekélé, yó melaaire fo wisipó. ⁷Téro ama fo fake yóló duraalu, “Kótópaae winé sukuturaalu, ama doi betę doasi doi muępóló erae. Ti noatepae, ama fo tokótamo yóló taleturaalu, kwia melaaire suka kele i sókó wale ape. Tęrapa, ę aęmó sukóló bituraalu, ‘Aya Tale doasi-ó,’ yóló, ama doi betę sóró horótu betae. Ti amata, hepen beró saętamokélé, haekélé, doasi węi kęlakélé, fole węirapekélé aleyóló muló betereiteinépó,” yalepó.

⁸Ai fo yale *ensel* folosóró fi tikimó, *ensel* me kae nalo sya fu bitu duraalu, “Kolokóló dorowóló a mole ape. Doakale doi mole Babilon be hulua kolokóló dorowóló mulapó. Ti ai nópu nokole so Babilon-néta, ama nópu nokole alané aleale keyaa fole *wain* węi hae kwia kae kaemó betó mole so whi feané nępóló melótua yale so, mió kolokó dorowóló ai mole ape,” yalepó.

9-10 Téro kale dere kaae, ai *ensel*-tamo fi tikimó, *ensel* me kae sya fu fo fakeyóló duraalu, “Mepaae whi detamo, kale syaae kaae ḱlapaae ó ama aso kaae ḱlapaae, ‘Doa Tale-ó,’ yóló aḱmó sukóló bitu, atima kutirimó ó naasemó, ai ḱlané siri eró betere whiḱrape ama doakale fopaae buló kwia matere wei nḱpóló melaalo ai ape. Ai *wain* wei mo weiḱtamo hoseké ini, mo *wain* weiḱtóró Kótóné fopaae butu kwia melaairetei, wutimó tepeyóló mulapó. 11 Atéro atima duku bituraalu, hotu betere sukulita, mo ḱle holótóró tawaalopó. So whi de kale syaae kae ḱlaró ama aso kaae ḱlatamoné, doi sóró horóó, ama doi mole siri sóó, ere so whi atima deḱtamo ó dilikitamokélé, ṣa nóló betere ala mo yaalomeipó,” yalepó. 12 Kótóné kae beteró betere so whiné, ama yae yóló muló betere fo aḱmó sukóló bitu, Yesuné ala eraté fu betaalopó. Ai tuḱmó i kale bope yale seḱi alarape wapakélé, haepaae doropóló taaréni, ḱle beleté fu bettereteiné ai ala mo ṣumó eranérapó.

13 Téro, hepen bemó i fo depa yaḱo wosalopó. “I fo aseḱyae. Mo mió kaae sóró Taletamo betamó betere so whi sukutepa, ti atima Talené mo wisiró betterapó,” yalepó. Kale Deḱi Kepe Wisiné duraalu, “Mo dapó. Ti atimané depe tukó wei ala du betteretei taaróló, ṣa nóló bituraalu, atimané yale alamó dupu saaire ala felekemó yaalo ai ape,” yalepó.

Haemó yó mole ḱla ḱlumétepa turukóló saairetei

14 Téro yaḱo kelalemó, ḱ daalepaae anóló mo deḱi ṣaḱo tómó, whiné naalema kaae betepa kelalepó. Ama topomó, teḱteróló kaae tare doasiné deró betere *kold kapané* aleale topo tao deró bituraalu, ama naasené ḱla ḱlumétepa turukó suatere hekemée wei fosói sepake tarepó. 15 Tépa, me *ensel* momatere bemó sókó wóló, kale ṣaḱo tómó betere seképaee fo fakeyóló duraalu, “Naao tare sepakené kale ḱlumére ḱlarape turukóló sae. Ti noatepae, mió ḱla ḱlumépa saaire be deḱ i sókó wale ape,” yalepó. 16 Tétepa, kale sekéḱné tare sepakené i haemó ḱlumé yó mole ḱlarape fea felesé yóló turukó salepó.

17 Téro, me *ensel*-nékélé, hekemée wei sepake fosói tawóló, hepen-mó teḱe momatere bemó sókó walepó. 18 Atépa, Talepaae matere ḱla sukḱlala dalatere tikimó si kaae tare *ensel* sókó wóló, kale sepake tare *ensel*-paae fo fakeyóló duraalu, “Naao ai tare sepake fosóné i haemó yó mole *wain* képi durape ḱlumérapa, sepemó tukóló siré kwéae,” yalepó. 19 Tétepa, kale *ensel*-né ama sepakené i haemó yó mole *wain* képi du felesé yóló turukó siré kweyóló, kale képi du deḱtere doasi tikipaae taae derale fae. Ti kale képi du deḱtere tikita, Kótóné ama fopaae bole ala kwia melaairaaalu, deḱtu betere tikipó. 20 Doasi be hulua aḱró *wain* wei deḱtere tikipaae taae deratepa, atimané teḱiya teḱiya yaletikimó, samea doasi sókó felepó. Atéro sókó fele sameata, wei kaae dukulé holóló, *hos* hupuné faḱo aḱmó depa sale daḱleta, 300 kilomita ṣupó.

Wëikeró ensel-rapené wëikeró doasi sekëi alarape tapa kelaletai

15 ¹Téror yaŕlo kelalemó, hepen bemó mo doasi bete mole ala wisinaale yairemó dere ala epa kelalepó. Ai kale kelale alata, i ape. Wëikeró *ensel*-rape dokó mo kemeróturaalu so whï feapaae dowi sekëi ala melaaire wëikeró tapa kelalepó. Ai kemeróturaalu dere fota, ti Kótóné ama fopaae buóló kwia melaaire alarape mo ti kemeróturaalu, i wëikeró alarapené kemeraalopó. ²Téror yaŕlo kelalemó, *klas*-ró sitamo hosekéróló aleale wëi kęla kaae belerepó. Ai wëi fóku dęmóta, so whï mo fea hãle ęla kaae daae mupa kelalepó. Ti aimó daae mole so whïta, kale syaae kaae ęlaró ą sųróló aleale asotamokélé, ama doimó sere *namba*-kélé, ai alarapetamo bóe dóló tęteróló wale so whipó. ³Kótóné ai daae mole so whippaae male *kita* kaae ęlarape taruraalu, Kótóné kutó diratere whï Moses-ró kale *Sipsip* hupu maletamo dolęanóló du betale wole fo i ape.

“Mo doasi fotokó bole Tale Kótóo, naao du betere alata, mo doasi sira yaai dere ala du beteraapó.

Take keké nale alimó kaae sóró bitiré waleteikélé, mió i alimó bitiré faaireteikélé, tęteróló kaae tare Tale-ó, yaęta, naao ere alatóró sya furaalu, mo dono taletu beteraapó.

⁴Tale-ó, whï me de yaępaae winé sukutu, naao ere alamó naao doi doasi muaalomeipóló de?

Betą whïkélé yaę kaae bitini, yaęta dowi alakélé muni, mo kae betere Talepó.

Kae kae hae kwiamó betó mole so whï yaę beterepaae wóló, yaę aęmó sukóló bitu, Doa Tale-ó yóló dukirótu betaalo ai ape.

Ti noatepae, naao mo donoyóló taletu betere alarape take hiróló mualetai, mió so whï feané kolępóló hękeamó muló beteraapó,” yalepó.

⁵Ai alarape yóló kemetepa kelalemó, ó hepen-mó momatere be tų tukwę fóló molepó. Ai momatere beta, Kótóné ama so whï tao saalopóló dirii fo muló betere kuti bepó. ⁶Téror kelalemó, kale wëikeró *ensel*-rape atimané wëikeró sekëi alarape tawóló ai momatere bemó sókó walepó. Atimané deró betere kutita, mo dę tekée fóló kasa kasai *linen* kuti deróo, *kold kapané* dokale to atimané deró betere kuti tęteróló bopemó sóo, epa kelalepó. ⁷Téror, kale douřó betere ęlarapekó betąné kale wëikeró *ensel*-rapepaae *kold kapané* aleale wëikeró okopoi nukurape dokęralepó. Ai nukurapemó, mo ti betó tare Kótóné ama kwia melaaire fopaae butere ala fąayóló molepó. ⁸Kótóné ama ere ala wisinaale hękearatere alaró ama doasi fotokótamoné momatere be dolomó sukuli kaaróló fąaneteiné, whï fókélé mo enénipó. Kale wëikeró *ensel*-rapené tare wëikeró dowi sekëi alarape melóló kemenipatei, ai be dolopaae folo hapale honénipó.

Kótóné fopaae bole ala belere okopoi nukurape

16 ¹Téró yaḡlo wosalemó, momatere bemó sókó wale foné kale wḡikeró *ensel*-rapepaae fo fakeyóló duraalu, “Kótóné fopaae buluraalu kwia melaaire ala okopoi nukumó beleróló diaaḡ ai taretei, haepaae sunée derḡle fae,” yalepó.

²Ai fo depa, kale kolosale *ensel* fóló ama tare okopoi nukumó belere ḡla sóró fóló, haepaae sunée deralemó, kale syaae kaae ḡlané siri eróló, ama aso aḡmó sukḡlóló betó mole so whḡné tikimó, dotopo yóló mo doasi dele su betaaire sonaaiei humu fulu deralepó.

³Téró kolosale noma *ensel*-né ama tare okopoi nukumó belere ḡla doasi wḡi ḡlapaae sunée deralemó, kale wḡi mo sameatóró alée felepó. Ai sameata, mo ti sukḡle whḡné samea kaae ḡkoloipó. Até yaletikimó, wḡi ḡḡla tuḡmó betó mole ḡlaraperó ere ḡlarapetamo mo fea sisiraae felepó.

⁴Téró, kale doḡ noma *ensel*-né ama tare okopoi nukumó belere ḡla, doasi fole wḡiró ḡmale wḡirapetamopaae sunée deralemó, samea alée felepó. ⁵Téró yaḡlo wosalemó, kale doasi fole wḡirape kaae tare *ensel*-né duraalu,

“Naao taletere alata, mo donotóró tale yóló kwia materetei mo wisirapó.

Ti noatepae, yaḡta takekélé betóo, miókélé betóo iru, dowi ala mo betḡkélé munire Tale beterapó.

Téru, fo tokḡtamo yóló tale yóló kwia matere alata, mo donoyólótóróti ai yale ape.

⁶Ti noatepae, naao kae beteró betere so whḡrú naao fo eratere ḡlóló whḡrapetamo dale kwia tokḡ móturaalu ai sókó fele samea nḡpóló materetei, mo donorapó,” yalepó.

⁷Téró yaḡlo wosalemó, Talepaae moma yóló simó sukḡlaa dalatere tikimó etei fo yalepó.

“Mo doakale fotokḡ bole Tale Kótó-ó, yaḡta mo fotóró bulu, naao tale yóló kwia matere alakélé mo donotóró dapó,” yalepó.

⁸Téró, kale doḡ *ensel*-né ama tare okopoi nukumó belere ḡla suka betepaae sunée deralemó, siné so whḡ dolo baalu sorokó faaire fotokḡ mené sḡmó melalepó. ⁹Atéroró dokole si supuné atima tiki turó baalu sorokó felepó. Até dere supumó, Kótóné doi doróló ḡ eratere fo du beterepó. Atimapaee atei kaae susupui ala eratepatei, atimané du betere dowi ala taaróló, tuḡ tiki fetenipó. Téruraalu, Kótóné doi doasi muḡpóló eraaire alakélé ḡyóyóló, dowḡae fu betalepó.

¹⁰Kale apo *ensel*-né ama tare okopoi nukumó belere ḡla, kale syaae kaae ḡlané tḡteróló kaae tare tikimó sunée deralemó, ai hae kwia fea dilikiyó felepó. So whḡ supumó atéroró kakutu bitu, atimané hapetei turukóló nuku betalepó. ¹¹Atimané tikimó daae mole humu dotoporó siné

dale deteraatamomó kakutu bituraalu, hepen bemó betere Kótóné doi doróló, tekani fo du betalepó. Tétu, atimané yale dowi ala taaróló tuę tiki feteyóló betaalo hýyóló, dowi ala yaaitei dowąae fu betalepó.

¹²Kale apomi *ensel*-né ama tare okopoi nukumó belere ęla doasi fole Yupretis weįpaae sunée deralemó, kale suka hoterepaaeróló tęteróló kaae dilikiyó mole topo whįrape waaire tų mulóturaalu, kale weį tiki dikąlepó. ¹³Téró yaęo kelalemó, sore dowi keperape sepéerape kaae beterepó. Ai dowi kepe atima, me wuli disóné kęlómó sókó wóo, me syaae kaae ęlané kęlómó sókó wóo, me Kótóné fopóló kapala fo yó matere whįné kęlómó sókó wóo, yalepó. ¹⁴Ti ai keperapeta, kae kae kelemei alarape erótu betere sekęrapepó. Doa fotokę bole Tale Kótóné ama tukóló muló betere doasi be dęmó, Taletamo bóe daaire whįrape mei yaęsóró, i hae kwia feamó tęteróló kaae dilikiyó mole topo whįrapepaae bóe daalopa ape yóló, dape siré kutu beteraapó.

¹⁵“Tęrapa ęta, ęlémi nokole whį kaae waalo ai ape! Atéyaalopa, whį me de noke fió muni turukó holóló bitu, ama deratere kuti ą betere tikimótóróti muló betae. Atétere whį ą Talené wisiró beteraapóló hąiné sukąalo ai ape.

Ti noa yaęsóró mei, ama tiki daapi hąle furaalu hale yaęsóró dapó,” yalepó.

¹⁶Téró, atima fóló kale topo whįrape dape siré kweyóló, Israel fake so whįné Hibru foné doi muló betere, Armakedon haepaae tourąle walepó.

¹⁷Téró kale weįke *ensel*-né ama tare okopoi nukumó belere ęla są tó tuąmó sunée deralemó, kale momatere be tuąmó tęteróló kaae tare doasi betere tikimó fo fakeyóló duraalu, “Mió ai kemeyale ape!” yalepó. ¹⁸Ai fo yalemó, epée fitąa yóo, be są kili kili yóo, doasi sapalaa dorowóo, mo doasi bao yóo, yalepó. Take i haemó betale so whįné etei kaae bao depa mo kilinipó. ¹⁹Ai bao duraalu, kale doasi be hulua tekeyóló sore fake daane fóo, i hae kwia feamó tę mole doasi be huluarapekélé kolokóló doropóo, yalepó. Kótóné kale doasi doi mole Babilon tuę muturaalu, ama dowi fopaae bole *wain* weį wutimó tepeyóló, kale so nńpóló melalepó. ²⁰Weįné bopéróló daae mole hae kwia fea daani, aluyó molepó. Doasi daae mole hasi fosórapekélé kelalemó daani, aluyó molepó. ²¹Ó sąmó doasi *ais* kapo du kaaené whįrape tęiya yaai dorowalepó. Ai dorowale *ais* kanerape sekę dąleta, 50 *kilogram*-pó. Atimapaee atei mo dowi sekęi ala erateremó, Kótó eróló tekani fo du betalepó.

Syaae kaae ęla tómó betere somó yale fo

17 ¹Téró, kale weįkeró okopoi nuku tare *ensel*-rapekó betą ę beterepaae wóló duraalu, “Kale weįrape tómó betere doasi doi mole nńpu nokole soné dere alamó, kwia melaairetei yaęo yąpaae yó melaalopa ape. ²Ai sota, i hae kwia fea tęteróló kaae tare topo

wh̄irapetamo nópu nuku betalepó. Téró, kale soné i hae kwiamó betó mole so wh̄ikélé, nópu nokole *wain* wēi melale tikimó topo doyóló keyaa fu betalepó,” yalepó.

³Téró, ę kale Dēi Kepe Wisi tuamó betepa, *ensel*-né so wh̄ikélé bitini hāle kópu k̄aae fi tikipaae beleyóló sóró felepó. Aimó bituraalu kelalemó, bet̄a so mo sonaa i syaae kaae ęla tómó beterepó. Ai syaae kaae ęlané ama tiki turó, Kótó aqraterere doirape aseyó bopéróo, wēikeró toporape daayóo, naase tamo sek̄rape daayóo, epa kelalepó. ⁴Kale soné ama kutita, mo sonaa i ró sukut̄aitamo deró, ama aure ęlarapekélé, *kold kapané* alealeteiné h̄ore h̄ore yóo, mo doasi *moniné* sere kasa kasai kaneró du dui meleketamo sóo, erepó. Ama naasené tare *kold kapané* aleale wuti dolomó kelaalokélé mo sonaa i ęlaraperó ama nópu nokole alané bólutamó deyóló ęanó beterepó. ⁵Ama kinóló mole doi kutirimó aęretei i ape.

DOASI BABILON-TA, NÓPU NUKU BETERE SORAPERÓ I HAEMÓ MOLE
KELAALO MO SONAALEI ALARAPETAMONÉ HAMAPÓ.

⁶Téró yālo kelalemó, Kótóné ama kae betero betere so wh̄i atimakótei, mepaae Yesuné yale ala i ape yóló yó melateremó dale so wh̄iné samea naletikimó kale so ę topo doyóló keyaa fu beterepó. Atétere ala kolóló, ę sira yale supó. ⁷Atétepa, kale *ensel*-né ępaae duraalu, “Yā noatepa siratu bitute? Ai wēikeró topo daayóo, naase tamo sek̄ daayóo, ere syaae kaae ęlaró ama sisó tómó betere sotamoné kinóló mole ala bete yālo yāpaae hākearóló yó matapa wosae. ⁸Naao kelale syaae kaae ęlata, take betaletei, mió bitinipó. Tépatei, take mo apaae derepale wosono dolomó sókó holóló, ę doraai dāle muló betere tikipaae faalo ai ape. Mepaae so wh̄i i haemó bitu, atimané doi take keké nale alimótei mo ti betere *bukmó* munipó. Atére so wh̄iné kale syaae kaae ęla kilituraalu, doasi sira yaalopó. Ti noatepae, take ę betepa kolóo, mió bitini alu yóo, nalo momó sókó wóo dereteinépó.

⁹Naao ai kelale alata, mo kisipa tiki fosó fosóyóló dotoróę fale wh̄iné bet̄a bete tokóló kolóló tuęnérapó. Kale wēikeró toporapeta, ti kale soné ama ero dée daalóló betere wēikeró hae durapepó. ¹⁰Me beteta, ti kale ęteróló kaae tare wēikeró doasi topo wh̄irapepó. Ai wēikeró wh̄irapekó, aporó wh̄irape atimané ęteróló kaae tare ala kemeyalepó. Até yóló bet̄a wh̄iné ęteróló kaae tare ala bet̄a hāle erapó. Atépa, nalo me wh̄i wouraalu, ama ęteróló kaae tare ala sawa sukamó maaté kaae tawaalopó. ¹¹Ai kale syaae kaae ęla take betaletei, mió bitinipó. Āta kale ęteróló kaae tare wēikeró doasi topo wh̄irapekótei, ękélé atimatamo touróturaalu bokówalerópó. Ai wēikeró topo wh̄irapetamo bet̄amó betereitei, ę doraai tukóló muló betere alapaae fu beterepó.

¹²Naao kelale naase tamo sek̄rapené beteta, naase tamo ęteróló kaae tawaaire doasi topo wh̄irapepó. Ti mió atimané ęteróló kaae tawaaire

ala sini, téyópó. Take atima doasi doi muópóló mené sóró beteraalopó. Atéro sóró beteratepa, kale syaae kaae qlatamo betā bitu, sawa sukamó tēteróló kaae tawaalopó. ¹³Atima fea mo betā kisipatóró muóló, kale syaae kaae qlapaae naaotóró kaae tawae yóló, fotokqoró tēteróló kaae tare alatamo melaalopó. ¹⁴Ai fakerape atima touyóló kale *Sipsip* hupu maletamo bóe daalopó. Téyaalotei, kale *Sipsip* hupu malené atimatei dóló tēteraalopó. Ti noatepae, āta i haemó betó mole talerape tēteróló kaae tare Tale betóo, mepaae hae kwia tēteróló kaae tare topo whīrape tēteróló kaae tare topo whī betóo, erapó. Atéru, ā sya fóló ama ala eró tare so whīta, ti ātamo betāmó betaalopó. Atimata, ama ape yóló sókó su yóló, kae betero betere so whīpó,” yalepó.

¹⁵Téro, kale *ensel*-né epaae duraalu, “Kale nópu nokole so betere weīrapené beteta, i ape. Kae kae tiki daae mole so whīkélé, kae kae touró betere fakekélé, kae kae *Gavman*-né tēteróló kaae tare so whīkélé, kae kae be fo bole so whīkélé mo fea tómó, ai so ā beteraapó. ¹⁶Kale syaae kaae qlaró naase tamo sekērapetamoné kale nópu nokole so hōróló, bóe daalopó. Atéturaalu, ama kuti fea sorokóló taae faróló tiki daapi hāle betepa, ama tiki mi fea sorokóló nóló diri hāle simó sukūlaa dōpóló biliraalopó. ¹⁷Ti noatepae, kale naase tamo sekērape atima fea fo dokóló betā tuē mutu, atima tēteróló kaae tare fotokq kale syaae kaae qlapaae melaalopó. Até yaaire alata, Kótóné ama eraalopó yóló muló betere fo dokonótu mo erópóló, atima tuāpaae bulaalopó. ¹⁸Naao ai kelale sota, i haemó betó mole topo whīrape tēteróló kaae tare doasi doi mole be huluapó,” yalepó.

Babilon kolokóló derepele fo

18 ¹Ai ala yóló kemetepa, me *ensel* hepen bemó dorowou betepa kelalepó. Ai sekéné, fea ala ama tēteróló kaae tawóló beteroópóló, mené ā sóró betero beteraapó. A tuāmó ere kokoné sini de wisinaale i hae kwia feapaae deralepó. ²Téro, kale sekéné mo doasi fo fakeyóló fotokqiné duraalu, “Ai kolokó dorowóló mole ape! Kale doasi doi mole be hulua Babilon kolokóló dorowóló mulapó.

Ti ai sota, dowi keperape betere be alée fóo, mepaae kae kae dowi keperaperó hqkolo yóló kelaalo mo sonaalei barapetamo, betere tiki alée fóo erapó.

³Ti noa betené mei, hae kwia kae kaemó betó mole so whī ai soné ama nópu nokole ala tokóló yateiné *wain* wēi nóló, keyaa fu dere kaae du betalepó.

I hae kwiamó betó mole so whī tēteróló kaae tare topo whīrapekélé, kale sotamo nópu nukua yalepó.

Ai soné ama doasi nélire alané, i hae kwiamó qla qla dotonóló duputu betere so whīné *moni* mo dekéro siré feleteiné nélī whī betalepó,” yalepó.

- 4 Téro hepen bemó me i fo depa wosalepó. “Yało so whı́-ó, ai sotamo betere so whı́ kua dolomó betereitei taaróló sókó ape.
Ama du betere dowi alarape diappaee tokó melóturaalu, ama saaire dowi sekęi alarape diąkélé saqsórópa, taaróló ape.
- 5 Ti noatepae, ai soné Kótóné yóló muló betere fo tikale dowi ala muté holóló, hepen bepaee sókó horapó.
Atéremó, melaaire dowi kwia Kótóné keteréni, kisipa haęle yó tarapó.
- 6 Kale soné ama melatua yale węi appaae tokó mótu, ama male sų tómó me beleróló aęei nópóló melae.
- 7 Kale so a doasi doi mulapóló, wisi wisi ęla dekeró nuku betale sųtóró, susupui alaró deķené sukutere alatamo sųpóló melae.
Ama tuę tiki tuąmó bopé fake dere ala bulu, ‘Ęta, mo doasi tęteróló kaae tare topo so betereiteiné ę wulia so betepapakó woletere ala enénipóló,’ kisipa mutu beterańpó.
- 8 Atéreiteiné, mo betą sukamó ama sųpóló daęle muló betere sekęi alarape haşsókó feni, mo saalo ai ape.
Ai alarapeta, i ape. Sukutere alakélé, deķené sukuturaalu wole yaaire alakélé, wotené sukutere alakélé, tiki siné dóló sukųlaa dokole alakélé, ai ala fea mo amatóró saalo ai ape.
Ti noatepae, ai somó dowi kwia melaaire Tale Kótóta, mo doasi fotokę bole bete Taleńpó,” yaleńpó.
- 9 Ai sotamo nópu nokole ala yóo, ama wisi wisi ęla sóo, du betere tęteróló kaae tare topo whı́rapené ai kale so dukuraalu, hotere sukuli kelaleńpó. Atétepa, atima kale so deķené sukóló woletu betaalopó. 10 Kale so atéró duku bitu, susupu sóró kaketu betere alamó, atima wituraalu, tika mo umó daae mulu, i fo yaalopó.
“Mo doa wió! Doasi doi mole be hulua-ó, wió yae!
Doasi fotokę bole be hulua Babilon, ya doraalopóló tukóló muló betere alata, betą sukakelemótóró mo ti doróló ai kemeyale ape.”
- 11 I hae kwia feamó ęla ęla dotonóló duputua yale whı́rapené kale so dokole kolóló, deķené sukuturaalu, moló-u yaalopó. Ti noatepae, atimané ęla ęlarape take yale kaae whı́rapené momó kae duputimipó.
12-13 Atimané atéró dotonótu betere ęla ęlarape i ape. *Kold kapa, silpa kapa*, doasi *moni* sere kasa kasai kanerape, meleke kaae, du dui ęla, *linen* kuti wisinaale, sukutąi kuti, *silk* kuti, sonaa kutikélé, fetera kaae ęla *sitron* nikélé, hupu sekęné aleale kae kae ęlakélé, doasi *moni* sere nikélé, *brons kapa, aiyon kapa*, be tętere kane fake wisinaalekélé, *sinamon* fetera kaae ęlaró mepaae kae kae fetera kaae ęlatamokélé, simó bilitepa felé kęlaa wale ni sekaę kaae ęla mura ni feķkélé, *frenkensense* ni feķkélé, *wain* weķkélé, *Olip* ni duné aleale welkélé, *flawa* wisinaaleró *whit*-tamokélé,

bulmakau hupuró *sipsip* huputamokélé, *hos* hupuró ama s̄iyóló só kotere ɔlatamokélé, wae sóró kutó diratere so wh̄iró haɓe mo betere so wh̄itamóné tikiró asotamokélé dupu yaalopó.

¹⁴Atimané i fo yaalopó. “Nao senée du betale ni du mo ti aluyalepó. Nao wisi wisi ɔlaró néli butukutu betale ala wisinaaletamo aluyaletiné momó kae kelaalomeipó.” ¹⁵Téró, ai kale dos̄ayale ɔla ɔlarape dotonóló néli botokó fu betale wh̄irape atima kale so doasi susupu sóró kaketu betere alamó, atima wituraalu, tumó daae mulu, dekeñé sukóló fakeyóló etei wole fo yaalopó.

¹⁶“Doasi wió yae! Doi mole doasi be hulua-ó, ya tuamó betó mole so wh̄iné aure ɔla ɔlarape i ape. *Linen* kuti wisinaalekélé, sukutaji kuti, sonaai, *kold kapa*, doasi *moni* sere kaporó du dui melekerapetamoné au wisinaale yóló néli wh̄i betaleti, mió wió yae.

¹⁷Doasi *moni* sere wisi wisi ɔla fea haɓe sukamótóró doyóló ai kemeyale ape.

Doasi wēi nuku só kotere so wh̄ikélé, ai nukumó kotere so wh̄ikélé, nuku tuamó kutó diterere so wh̄ikélé, *moni* saaire kutó diterere so wh̄ikélé, mo fea tumó kese anóló daae muaalopó.”

¹⁸Kale so dukuraalu hotere sukuli kolóló, atimané i fo yaalopó. “Atei kae doi mole doasi be hulua wisinaaleta, me kae mei, mo betatóró t̄enapó,” ¹⁹Atétepa, dekeñé sukuturaalu, atima hae diyóló, etei wole fakeyóló du betaalopó.

“Wió! Doasi doi mole be hulua-ó, wé! nao teyae.

Ai soné doasi wēi nuku talerape atima *moniné* doasi néli wh̄i beteralepó.

Téyale sotei, haɓe sukamó a mo ti doyalopó.

²⁰Ó hepen bemó betó mole doasirape-ó, ai sopaae eratere alamó dīa haɓné sukutu betae.

Kótóné dowi ala kemeróló kae beteraleso wh̄ikélé, *aposel* wh̄irapekélé, Kótóné fo eratere kóló wh̄irapekélé, haɓné sukutu betae.

Ti noatepae, ai soné dīapaae erale sekei alamó, kwia Kótóné āpaae tokó melalepóló, dīa haɓné sukutu betae.”

²¹Téró, doasi fotokó bole *ensel*-né mo doasi kane fake tao sóró doasi wēi keɓa tópaee taae deróló duraalu,

“I doasi kane taae derótu dere kae, kale doi mole Babilon be hulua kolokó dorowóló, mo ti doratere be, momó kae t̄eyaalomeipó.

²²Ya tuamó *kita* kae ɔlané halekélé, wole fokélé, fó wutiné halero *kapané* aleale ukulumó wutiné haletamo momó kae wosaalomeipó.

Be tētere ala ó nuku wisiraterere ala ó kae kae fosó fosótere whīrape mo feata, Babilon ya tuamó mo kolókéle yaalomeipó.
Whiti o du deraketuraalu, kane fakené halekéle, momó kae wosaalomeipó.

23 Kale lamp sané dērotu betereitei, momó kae deraalomeipó.
Soró whītamo dokóló ɔla deturaalu, hēkese detere fo momó kae wosaalomeipó.

Naoo ɔla ɔla dotonóló duputua dere whīrapeta, i haemó doasi doi mole whīrapepó.
Naoo isi whīné dere alané kae kae Gavman-né tēteróló kae tare aomó betó mole so whīkéle, fea kōpaae alīsóró fu betalepó.

24 Kale so tuamó, Kótóné fo eraterere kōlō whīrapekéle,
Kótóné ama kae betero betere so whīkéle,
bóené mepaae i haemó betó mole so whī dale sameakéle a tuamó mupa kelalepó,” yalepó.

Talené doi hale sóró horópoló yae!

19 ¹Ai ala yóló kemetepa wosalemó, ó hepen bemó so whī mo hāle ɔla kae wó muluraalu fo tiki whaa du betalepó. Atéro duraalu, “Talené doi hale sóró horae.

Mo ti aluyaosóro tao sere alakéle, ama ere alané doasi doi mole alakéle, fotokō doasi bole alakéle, bete Tale dané Aya Kótó arotótipó.

Ti noatepae, ama taleyóló só deraterere ala hōko ini, mo alatóro sya furaalu, dono taletua dapó.

2 Atéturaalu, kale doasi doi mole nópu nokole soné ama du betale alané i haemó betó mole so whī kōpaae faróló doralepó. Até yale alamó, Kótóné ama kutó diraterere whīrape dóló sókó fale sameamó kwia tokó malepó,” yalepó.

3 Téro atimané momómo fo fakeyóló duraalu, “Talené doi hale sóró horae.

Kale so duku bituraalu hotere sukuli tukókéle ini, hāle holótóroti tarapó,” yalepó.

4 Ai fo deremó, kale 24 whī disiraperó kale douro betere ɔlarapetamo kale tēteróló kae tare doasi betere tikimó deraapisa fóló fió mulu fo fakeyóló duraalu,

“Mo kée, Talené doi hale sóró horópoló yae!” yalepó.

5 Tétepa, kale tēteróló kae tare doasi betere tikimó sókó wale foné duraalu,

“Talené kutó diraterere so whīrape-ó, diā apaae winé sukóló, doasi doi mole so whīró doi munire so whītamo feané dā tēteróló kae tare Kótóné doi hale sóró horótu betae,” yalepó.

⁶Tétepa yało wosalemó, so whi mo hałe ıla kaae wó muluraalu dere fo tiki whaata, mo doasi weı doı katu dere hu kaaeró doasi be sapalaa dere kaaetamo yóló duraalu,

“Talené doi hale sóró horae.

Dá kaae tare doasi fotokọ bole Kótóné ıla ıla fea amatóró tetteróló kaae tareteiné ama doi hale sóró horae!

⁷Dá fea haıné sukóló hekeseturaalu, ama doi doasi muópóló hale sóró horaalopa siépe.

Ti noatepae, kale *Sipsip* hupu malené so dokaaire be de sókó wapa, kale sekéné dokaaire soné ama auyaaire ıla ıla donoróló muló betepó.

⁸Kale so a derópóló, fokó fale deı *linen* kuti wisinaale melalepó,” yalepó.

Ti ai kale deı *linen* kuti wisinaaleta, Kótóné ama kae betere so whırapené du betale mo donoi alapaee dó faróló erapó.

⁹Tétepa, kale *ensel*-né epaae duraalu, “I fo aseıyae. Kale *Sipsip* hupu malené so dokaairaalu, ıla deyaalopa ape,” yóló dape sere so whi mo doa haıné sinópóló yae. Téró ama duraalu, “Ita, Kótóné ama kólómó sókó wale fotórá dapó,” yalepó.

¹⁰Até deremó, e ama hó aomó deraapisa fóló fió mulu, apaae moma yaai yalepó. Atéyalemó, ama duraalu, “Atékese! Eta, yaró Yesuné yale ala mopóló eró tare so whırapetamo dá betá kutó diratere seképó. Térapa, Kótó aomó sukóló bitu, apaae betá moma yae. Ti noatepae, Yesuné yale ala etérópóló yó matere alané Kótóné kóló whırapené dere fo fea bete hakearótu betepó,” yalepó.

Deı hos hupu tómó betá seké whı betepa kelale fo

¹¹Téró yało kelalemó, hepen be tu tukwe fóló, deı *hos* hupu e daalepaae anóló daalepó. Ai hupu tómó betere whı mo foné betetórá bitu, Talené ala eró tare Seképó dua dapó. Ai sekénéta, fo tokóló taletere alaró bóe dele alatamo, mo donotórá dua dapó. ¹²Ama keleta, mo si mi kaae buó, ama topomó kale tetteróló kaae tare doasiné deró betere topo taorape deró, erépó. Ama tikimó aseıyóló muló betere doita, mo whı betanékélé tuéni, ama betá tuérapó. ¹³Ama deró betere kutita, samea belere dolopaae deróló sókó sale kuti deró beterepó. Ai sekéné ama doita, ti Kótóné fopó. ¹⁴Hepen bemó bóe dele *amirape* atimané deró betere kutita, mo fokó fale tikimó deı *linen* kuti wisinaale deróló, deı *hos* hupurape tómó betóló, kale sekéné sisómó wó tarepó. ¹⁵I hae kwia feamó betó mole so whıtamó bóe dóló teteraairaaalu, bóe dele fosói sepake ama kólómó sókó wapa kelalepó. “Amata, *aiyon kapané* aleale nópulu taru, haemó betó mole so whı fea ama tetteróló kaae tawaalopó,” Ai sekénéta, mo doasi fotokọ bole Kótóné dowi fopaae buló, kwia melaaire *wain* képi du weı dıtere tikimó teıya

tēiya du betērapó. ¹⁶Ama deró betere fōloi kutiró *fasatamomó* etei doi aṣṣrepó.

TẼTERÓLÓ KAAE TARE WHĪRAPE KAAE TARE DOASI BETÓO,
I HAEMÓ DOASI ȚLA ȚLA TALERAPE TẼTERÓLÓ KAAE TARE TALE BETÓO,
erapó.

¹⁷Téró yaḡo kelalemó, betā *ensel* suka ke tómó daalu, kale sikimó sē kotere barapēpaae fo fakeyóló duraalu, “Kótóné ama doasi Țla deyaalopa, diā fea betāpaae tourāle ape. ¹⁸Ti haḡe mei, Kale tēteróló kaae tare doasi whĭrapekélé, diki tare whĭrapené topo whĭrapekélé, mo doasi fotokȡ buló bóe dele whĭrapekélé, *hos* hupuraperó ai hupu tómó betóló kotere whĭrapetamokélé, mo haḡe betere so whĭraperó wae sóró betere so whĭrapetamokélé, mo doasi doi mole whĭraperó doi muni haḡe betó mole so whĭrapetamokélé, i dosāyale so whĭrapené tiki mirape diā naasepólópa, tourāle ape,” yalepó.

¹⁹Téró yaḡo kelalemó, kale *hos* hupu tómó betóló wale whĭró ama bóe dele *amĭrapetamo* atima daae molepaae, kale syaae kaae ȡlaró hae kwia fea tēteróló kaae dilikiyó mole doasi topo whĭrapetamokélé, atimané bóe dele whĭrapekélé touyóló, bóe daai wou betepa kelalepó. ²⁰Téyaletēi, kale syaae kaae ȡlaró, Kótóné ama kȡló whĭpóló kapala fo yó matere whĭtamo tawóló dokóló mulalepó.

Ti ai kale kapala fo yó matere kȡló whĭné kale syaae kaae ȡlané doi doasi muȡpóló kae kae kelemei alarape erótu betalepó. Ti ama ai kelemei alarape yó melaetikimó, syaae kaae ȡlané siri sóo, ama aso aȡmó sukȡló bituraalu, dukiratere fo yóo, du betale so whĭrape kȡpaae fȡpóló dilikitu betale whĭpó. Téró, ai kale dokóló mulale sekē tamo, betepatei doasi *sulpa* si duku betere wēi kēla belerepaae taae deralepó. ²¹Téturaalu, atimaamoné bóe dele whĭrapeta, kale *hos* hupu tómó betóló wale whĭné kȡlómó sókó wale sepakené mo fea dóló muȡ mupa, barapené tiki mi nóló depe watamo fua yalepó.

1,000 ba fo tuā mó yaaire ala

20 ¹Téró yaḡo kelalemó, ó hepen bemó *ensel* dorowou betalepó. Ai sekéné ama naasenéta, mo apaae derepale osono dolo tȡ kinaaire *kiró* mo doasi *sein* képitamo tarepó. ²Ai *ensel*-né kale wuli disó botokȡ sóró tawalepó. Ai disóta, mo taketi bitiré wale wulipó. Ama doita, Satan ó Kótótamo bóe du betere dowi kepepó. Aȡ dokóló muló betepa 1,000 ba fopi kemeraairaaalu dokalepó. ³Téró, *ensel*-né kale wuli disó tawóló, mo apaae derepale osono dolopaae sóró taae deróló, tȡ kinóló diriratere ȡlané mo ti diriralepó. Ti aita haḡe mei, i hae kwiamó betó mole so whĭ ama momó kae dilikȡló kȡpaae falaȡsóró, 1,000 ba fo tuā mó haḡe betēralepó. Ai ba forape kemetepa, kĭlipaae sawatamo sukamó maaté aȡ sókó daalóló, haḡe betērȡpóló eraalopó.

⁴Téro yaḷo kelalemó, t̄eteróló kaae tare doasi betere *searapemó* fo tokóyóló taletere wh̄irape betó molepó. Aimó, Yesuné yale alarape i ape, yóló yó matere foró Kótóné fotamo yó materemó, depa tikale so wh̄iné keperapekélé, betó mupa kelalepó. Ti ai so wh̄irapeta, syaae kaae ɔlaró ama asotamo aqmó sukóló bitu, dukiraterere fo ini yóo, ama siri atimané kutirimó ó naasemó dakeraterere h̄o dua yóo, yale so wh̄irapené keperapepó. Ai sek̄rape atimata, kepaayóló bituraalu, Yesu Kerisotamo bet̄amó 1,000 ba fo tuamó t̄eteróló kaae taté f̄ópóló sóró beterelepó. ⁵Téro, kale haḷe suk̄aḷe wh̄irape atima hapale kepaani, 1,000 ba fo kemeyale k̄ilipaae, ti kepaayóló betó muaalopó. Ti aita, folosóro kepaayóló betereiteipó. ⁶Ai kale folosóro kepaayóló betere so wh̄ita, Kótóné ama kae sóró betero betereiteimó, mo haḷiné sukóló betó mulapó. Tamo dakoróló sukutere alané atimapaee me sek̄ei ala eranénipó. Tényi, atima Kótóro Yesu Kerisotamopaae momaraterere so wh̄i bituraalu, aḱtamo bet̄amó t̄eteróló kaae taté fóló 1,000 ba fo kemeyaalopó.

Satan doasi dele tuamó beteraaire fo

⁷Téro ai kale 1,000 ba fo kemetepa, Satan a *dipula* beteraaletei f̄ópóló sókó daalaalopó. ⁸Ā atéro sókó daalatepa furaalu, i hae detene fale doūro kwiamó betó mole Kok fake so wh̄iró Makok fake so wh̄itamokélé dilikóló, dape siré kweyóló b̄oe daai, bet̄apaae touraḷe waalopó. Ti ai so wh̄i, fea touróturaalu, weḱi atikā s̄upó. ⁹Ai tourale *amirape* atima, delaapemó daayóló doasi mulure hae tiki mo s̄uróló wou, Kótóné ama so wh̄i betere tiki boperóló betó molepó. Ai so wh̄i betere tikita, ti Kótóné ama yaala sókó fóló mole be huluapó. Atima atéro be naai boper̄aḷe wóló betó molemó, ó hepen bemó si sókó dorowóló atima mo fea doló kemeralepó. ¹⁰Ai kale siné doló kemerale so wh̄i dilikaḷe Kótótamo b̄oe du betere dowi kepe aḱta, kale *sulpa* si dó tare weḱi k̄eḷa belerepaae taae deralepó. Take kale syaae kaae ɔlaró Kótóné ama k̄oló wh̄ipóló kapala fo yó male wh̄itamo taae derale kaae aḱkélé atéro taae deralepó. Atima atéro bituraalu, dikitamokélé, d̄etamokélé, doakale dele doasi sóró kaketu betere alata kemekélé ini, haḷe yótóroḱti tawaalopó.

Suk̄aḷe so wh̄itamo fo tokóló tale yaaire fo

¹¹Téro, kale t̄eteróló kaae tare doasi betere d̄ei *sea* kolóo, ai *sea* tómó betere sek̄e kolóo, yalepó. I haeró saḱtamota, ai kale doasi kilitu botokó feletei, kinaaire tiki meipó. ¹²Téro yaḷo kelalemó, take sisiraae fele doasi doi mole so wh̄i ó doi munire so wh̄i, doasi betere tikipaae anóló daae molepó. Atima atéro daae mole tuamó, *buk*-rape d̄aae faróló muó molepó. Me d̄aae faróló mole *buk*-ta, mo titóroḱti betó tare *buk*-pó. Take kale sisiraae fele so wh̄irape atimané yale alarape fea kale *buk*-rapemó aseḱyóló moletei, kolóló taleyalepó. ¹³Kale weḱi nóló sisiraae fua yale so wh̄ita,

doasi weḡi keḡlané dotonale holóo, mo sukutere so whḡrape fóló betere bemó betó mole so whḡkélé, ti ai benétei dotonale wóo, sukutere alané tao tare so whḡrapeta, ti ai alanétei dotonale wóo yalepó. Atéro wóló betó mupa, atima dokḡ feané yale ala donotóro taletua yalepó. ¹⁴Téro, kale sukutere alaró sukḡle so whḡrapetamo betó mole tiki kale doasi si duku betere weḡi keḡla belere dolopaae taae deralepó. Ti ai si duku betere weḡi keḡlapaae taae deraleteita, tamoróló sukutere tikipó. ¹⁵Téro, mo ti betere *buk*-mó doi munire so whḡ kale si dó tare weḡi keḡla dolopaae taae deralepó.

Kisi Jerusalem be

21 ¹Téro yaḡlo kelalemó, me i ala erepó. Take mole haeró hepen betamokélé kemeróturaalu doasi weḡi keḡlakélé kemeralepó. Téturaalu, kisi hepen beró haetamo sókó wóló mupa kelalepó. ²Téro yaḡlo kelalemó, dowi ala betḡkélé munire kisi Jerusalem be hulua wisinaale, Kótó betere hepen be taaróló dorowou betalepó. Ai be huluané ama ere alata, so seimale ḡ whḡtamo dokaai kolóló kokḡné sukḡ kuti wisinaale derótu dere kaae erepó. ³Téro yaḡlo wosalemó, kale teḡteróló kaae tare doasi betere tikimó fo fakeyóló duraalu, “Mió, Kótó ḡ betere be dorówóló so whḡtamo muóo, ḡkélé atimatamo betóo, yaalopó. Atéru, atima ama so whḡtóró betepa, Kótó atimatamo betḡmó bitu, atima teḡteróló tare Tale betaalopó. ⁴Atéro, so whḡ feané wole kaae ai sekéné helekóló kópuraalopó. Tétu, sukutere alakélé, dekeḡné sukóló wole dere alakélé, moló hu dere alakélé, dele sere alakélé, momó kae yaalomeipó. Ti noatepae, folosóro yale alarape fea mo ti kemeró betereiteinépó,” yalepó. ⁵Téro kale teḡteróló kaae tare tikimó betere doasiné duraalu, “Fea ḡla fea yaḡlo kae kisi aletu betera-pó! Térapa, yaḡlo i yale fo naao aseḡyae. Ti noatepae, i dere fota, mo yaai dere ala dapóló diaaḡ tuḡ tiki tiranérapó,” yalepó.

⁶Téro ama eḡpaae duraalu, “Ai alarapeta, fea ai yóló kemeyale ape. Eḡta, *Alaparó Omekatamo* bituraalu, kaae sereteiró kemeratereteitamo, mo eḡtórótipó. Whḡ me de weḡi nokole depa, mo ti betó tare tikimó wó tare weḡi me ḡlané dupuni, haḡle nópóló yaḡlo melaalopó. ⁷Whḡ me de ḡ tuḡ wisipaae faai feḡlalemó, sesétepakélé hepée taae faróló wale whḡné i ḡla ḡlarape fea take ama saalopó. Téturaalu, eḡ ḡ teḡteróló kaae tare Kótó betóo, ḡ yaḡlo naale betóo yaalopó. ⁸Téretei, atimapaee me sekḡi ala eraḡsóro witu, eḡ taaróló fele so whḡkélé, whḡné sotamo dere ala kaae yóló whḡ hamomatamotei dowi ala du betere so whḡrapekélé, whḡ dele whḡrapekélé, nópu nokole so whḡkélé, kapo nipaae momatere alaró herei whétamoné whḡ dele so whḡkélé, kapala fo dere so whḡkélé, mo fea atima betaaire tikita, *sulpa* si duku betere weḡi keḡla ai ape. Ti aita, atima tamoróló sukḡaire alapó,” yalepó.

⁹Mo kemeróturaalu melaaire weikeró sekḱi alarape belere nuku tare weikeró *ensel*-rapekó betḱané ḱpaae duraalu, “Kale *Sipsip* hupu malené dokaaire so, yaḱo yaḱpaae yó melaalopa, kelaai ape,” yalepó. ¹⁰Ai fo deremó, Deḱi Kepe Wisiné ḱ fotokḱ bulatepa, kale *ensel*-né mo doasi sokore hasi fosópaae beleyóló sóró holalepó. Atéró sóró holóló beteró bituraalu, dowi ala mo betḱakélé munire be hulua Jerusalem, Kótó betere hepen be taaróló ai dorowou beterepa, kelaie yóló yó malepó. ¹¹Tétepa yaḱo kelalemó, ai kale be huluata, Kótóné ama ere deḱ wisinaale deḱyó faralepó. Atéró ere deḱta, mo doasi *moni* duputere kanené kasa kasare deḱ kaae erepó. Mo haḱe kaponé ere deḱ kaae mei, *jaspa* kanené deḱ kaaetórótípó. Mo huḱulukélé ini, *klas* kasa kasa kaae yó fi *jaspa* kane wisinaalené ere deḱ kaaepó. ¹²Ai be huluata, doasi dopóku ópaae horóló deḱyóló boperó beterepó. Ai dopóku tuḱmóta 12-tu dolorape móo, ai tu kaae diliki yóló 12-*ensel*-rape daa yóo, ai tu serekemó 12-Israel fakené doirape aḱe yóo, erepó. ¹³Ai dopókumó suka hoterepaaeróló tu sereke sore muóo, suka doropolepaaeróló tu sore muóo, *saot* deḱpaaeróló sore muóo, *norti* deḱpaaerólókélé, sore muóo erepó. ¹⁴Ai kale be hulua boperóló dere dopóku 12-ró kapo fakerapené mukuté mulaté horepó. Ai 12 mukuté mole kane fake tómó, kale *Sipsip* hupu malené sóró beteró betere 12 *apospel* whḱrapené doi aḱreḱepó.

¹⁵ḱtamo kale fo yale *ensel*-né kale be huluakélé, dopóku dereteikélé, tu serekerapekélé fea suroló daḱe saairaalu *kold kapané* aleale dotó tiki tarepó. ¹⁶Ai be huluata etéró teḱyóló muló beterepó. Filipaaró betereiteiné daḱleró doló faló betereiteiné daḱletamota, ti mo betḱ kaaetórótípó. Kale sekḱné ama daḱe saai tare dotó tikiné be hulua suroló daḱe saleteita, doló faló betereiteikélé, filipaaró betereiteikélé, ópaae horeiteikélé, mo betḱ kaaetóró 2,200 *kilomitapó*. ¹⁷Téró kale dopóku hapólu eretei ama daḱe saleteita, 65 *mita*-pó. Ti ai *ensel*-né ama daḱe sere alata, me kae mei, mo whḱiné dere kaaetóró yalepó. ¹⁸Ai kale be hulua boperóló dere dopókuta, *jaspa* kanené aleyóo, be huluata, ti *kold kapa* wisinaalené aleyóo erepó. Ai kale *kold kapata*, huḱulukélé ini, mo kasa kasa yó fipó. ¹⁹⁻²⁰Ai be hulua boperóló dere dopóku mukuté mulaté hore kapo fakerape aurairaalu, mo doasi *moniné* duputere kae kae kasa kasai kanerapené auró beterepó. Folosóró kaae suraalu, muló betere mukuté *jaspa* kanené auróo, 2 ti *sapaia* kanené auróo, 3 ti, *kalsitoni* kanené auróo, 4 ti *emerald* kanené auróo, 5 ti *sadoniks* kanené auróo, 6 ti *kanilian* kanené auróo, 7 ti *krisolait* kanené auróo, 8 ti *berl* kanené auróo, 9 ti *topas* kanené auróo, 10 ti *krisopres* kanené auróo, 11 ti *jasint* kanené auróo, 12 ti *ametes* kanené auróo, erepó. ²¹Kale ai dopóku 12 tu serekerapeta, 12- du dui meleke *perl*-né alée molepó. Ai tu sereke dokḱta, mo betḱ *perl* doasiné alée mulapó. Be hulua tuḱmó fale tuḱta, *kold kapa* wisinaale mo kasa kasai *klas* kaaené aleyóló molepó.

²² Ai be hulua tuḡmó Kótópaae momatere be betḡ kilinipó. Ti noatepae, doasi fotokḡ bole Tale Kótóró kale *Sipsip* hupu male atimaamota, ti ai be hulua tuḡmó ere momatere betórotipó. ²³ Ai be huluamó Kótóné ama ere alané dḡró kale *Sipsip* hupu malené dḡtamo eró betereteiné, suka dḡró wélié dḡtamo mo yaḡa inipó. ²⁴ Ai be huluamó dḡyó fale dḡné, i haemó betó mole so whḡ fea diliki dolomó kutu betaḡsóró, ai dḡné dḡraalopó. I haemó tḡteróló kaae tare topo whḡrape, atima mo kelaalo kokḡné sini ala wisinaale sóró wóló ai be tuḡmó mulaalopó. ²⁵ Ai be hulua tuḡpaae faaire tḡrape kinókélé ini, mo hḡle tukwḡ faróló muló betaalopó. Ti noatepae, aimó diki dere ala muni, dḡtóró yó tareteinépó. ²⁶ Kae kae hae kwiamó betó mole so whḡné doasi doi mutere alaró, kelaalo kokḡi ala wisinaaletamo sóró wóló ai be hulua tuḡmó mulaalopó. ²⁷ Dowi ala mole whḡ ai be hulua tuḡmó sókó faalomeipó. Halei ala dere whḡraperó, kapala dilikitere so whḡ betḡkélé ai be hulua tuḡpaae mo sókó faalomeipó. Kale *Sipsip* hupu malené mo ti betere *buk*-mó doi mole so whḡ betḡ ai be huluamó fóló betaalopó.

Mo ti betó tawaaire wḡi

22 ¹ Téro, kale *ensel*-né ḡpaae mo ti betó tawaaire fu betere kikisi wḡi kelaai ape yóló yó melalepó. Ai fole wḡita, Kótóró kale *Sipsip* hupu maletamoné tḡteróló kaae tare doasi betere tikimó sorokó wóló, ai be hulua tuḡmó fale tḡ seraa fu betepa kelalepó. ² Ai wḡi fóku uté dḡró, ité dḡtamomó mo ti betó tare ni daalepó. Wélié dokḡ fea ai niné du oletua dapó. Ai niné ama sókuta, i hae kwiamó betó mole so whḡ tuḡmó mole kae kae sekḡi alarape fea i ni sóku fotokḡné ḡmó wisiranérapó. ³ Take so whḡné yale dowi alamó Kótóné erale sekḡi ala ai be huluamó momó kae muaalomeipó. Kótóró *Sipsip* hupu maletamoné tḡteróló kaae tare tiki ai be huluamó mupa, ama kutó diratere so whḡné ama erae dere ala erótu betaalopó. ⁴ Atimané ama kelepaa kolóo, ama doi atimané kutirimó aḡ yó fóo, yaalopó. ⁵ Aimó be dikitere ala momó kae muaalomeipó. Atima suka dḡ ó saḡ dḡkélé, yaḡḡtere ala mo enénipó. Ti noatepae, atima dḡ tuḡmó beterópóló Tale Kótóné ama ere dḡné dḡró betaalopó. Atéro bituraalu, betere dokḡ fea atimanékélé, fea ala fea tḡteróló kaae taté fu betaalopó.

⁶ Tale ḡta, ama kóló whḡrapené keperape tḡteróló kaae tare Kótó beterapó. Atéru, mo felekemó eraaitere ala ama kutó diratere so whḡpaae ene fópóló, ama *ensel* atima beterepaae dotḡyalepó, yalepó.

Yesu walapóló ere fo

⁷ “ḡ mo felekemó waalo ai ape. Kótóné i ala eraalopóló i *buk*-mó aḡere fo eró tare so whḡta, Kótóné atima wisiralepóló, hḡiné sukutu betaalo ai ape,” yalepó.

⁸I yale forape wosóo, yale alarape kolóo, yale wh̄ṭa ɛ Jon-pó. I alarape yó male k̄lipaae ai yó male *ensel* daale tikimó ɔpaae moma yaai deraapisa fóló fió mualepó. ⁹Téyalemó, ama ɛpaae duraalu, “Atékese! Ẽta tale mei, ɔmo wusuró Talené kutó diratere wh̄ipó. Nonaorape Kótóné k̄lól wh̄ṭapekélé, kale i *buk*-mó mole fo eró tare so wh̄ṭikélé, ɔa fea bet̄a kutó diratere fakepó. Térapa, Kótó ɔmó suk̄lól bitu, ama doi bet̄a sóró horótu betae,” yalepó.

¹⁰Téró, kale dere kaae ɛpaae momó duraalu, “Kótóné i ala eraalopó ere fo haḱearóló i *buk*-mó aseýóló muló betere fo kinóló mulaṣe. ¹¹Dowi ala du betere so wh̄ṭa, atima ai alatóró yó tan̄ópóló yae. Kae kae mo kelaalo sonaaei dowi ala du betere so wh̄ṭa, ti ai alatóró du beteṛópóló yae. Mo donoi ala wisi du betere so wh̄ṭa, ti atimané ai du betere wisi alatóró yó tan̄ópóló yae. Me dowi alatamo hosekény, Kótóné ama kae beteṛó betere so wh̄ṭi ti atima ai betere kaaetóró betó tan̄ópóló yae,” yalepó.

¹²“I dere fo wosae, ɛ mo felekemó waalo ai ape!

So wh̄ṭi dok̄o feané yale alamó tok̄o melaai yaḷo i tare duputa, ɛ wouraalu melaalo ai ape.

¹³Ẽta, *Alaparó Omekatamopó*. Folosóro kaae sóró betaleteiró, kemerale foloteitamota ɛtórótipó.

Ọla ọla fea keké nale betekélé, fea ala touróló kemeratere betekélé, ti mo ɛtórótipó.

¹⁴Deróló sókó fatere f̄loi kutu fokotu betere so wh̄ṭa, Kótóné wusiró beteṛapa haṅne sukutu betae.

Ti atétere so wh̄ṭi be dopóku t̄u serekemó doasi be huluapaae sókó f̄o, mo ti betere ni du tokó nóo, yaairetei, mo s̄rapó.

¹⁵Kale dopóku ɔr̄o haḱrape betó mulapó.

Ai haḱrapeta i ape. Whéró hereitamóné wh̄ṭi dele alakélé, kae kae hosó fo ó isi wh̄ṭiné dere alakélé, nópu nokole alakélé, wh̄ṭi dele alakélé, kapala kótóraperó keperapetamopaae momatere alakélé, kapala fo yóló wh̄ṭi dilik̄ai ek̄le du betere alakélé, i dos̄ayale alarape du betere so wh̄ṭi atima feata, dopóku ɔr̄o betó mulapó.

¹⁶Ẽta, Yesupó. I kelale alarape Keriso fake so wh̄ṭiné dos̄ayóló tuɛ yópóló, dīpaae yó male fae yóló yaḷo *ensel* dot̄eyalepó.

Ẽta, Depit kaayale beteṛó ama deté fele naalené naaletamopó.

Atéru, h̄ika be det̄eretamo deýó tare h̄repó,” yalepó.

¹⁷Kale Deṭi Kepe Wisiró wh̄ṭiné dokaai du betere sotamoné duraalu, “Ape,” du beteṛapó. Mepaae i dere fo wosetere so wh̄ṭinékelé “Ape,” yópóló yae. Mepaae wh̄ṭi de weṭi nokole depa, ɛ beterepaae wópóló yae. Mepaae wh̄ṭi dené weṭi nenée du betepa, mo ti betó tawaaire weṭi dupuni, haḷe sóró nale wópóló yae.

¹⁸Kótóné i ala eraalopóló, *buk*-mó aseṛe fo wosetu betere so wh̄ṭi feapaae dirii ma fo i dapa wosae. Mepaae so wh̄ṭi denétamo i *buk*-mó mole

fo tómó me kae beleróló depa, ti Kótóné i *buk*-mó bopetu betere sekęi alarape ai so whįpaae mo turó eraalo ai ape. ¹⁹Mepaae whį dené Talené i ala eraalopóló *buk*-mó mole fo mepaae kwia tokóló aluratepa, ti Kótóné atétere whįmó melaalopóló i *buk*-mó bopeyale mo ti betere ni du nóo, kae tęne be huluamó beteróo, yaai yale alatamo ama fasó saalopó.

²⁰I kale asęyóló muló betere alarape kelale whįné duraalu,
 “Mopó. Ę felekemó walapó,” fo dapó.

Tétepa duraalu,
 “Mo kée Tęyópoló yae.
 Tale Yesu-ó, yą ape,” dapó.

²¹Tale Yesuné hąle tao sere ala wisinaale Kótóné so whįpaae wópoló yae. Mo kée. Tęyópoló yae.